



E

CENTRALE V. E. II

6

21-f

41



51. 25. 10. 102

to 21/6/10

xxxv. 19. 13.

3.4.

HIERONY. ANGERIA
NI NEAPOLITANI
ep̄t̄m̄ n̄r̄m̄



ECLOGAE.
DE OBITU LYDAE.
DE VERO POETA.
DE PARTHENOPE.




THE NEW YORK PUBLIC LIBRARY
ASTOR LENOX TILDEN FOUNDATION

RECEIVED
DECEMBER 11 1891
NEW YORK



HIERONY. ANGERIANI NEA-
POLITANI AD CAELIAM

ΕΡΩΤΟΠΑΙΥΗΙΟΝ



Munera si nequeo tibi mittere magna, libellum
Hunc paruum, & nugas (ut queo) mitto meas.
At si laudanda complecti uoce libellus
Hic paruus, certe munera magna capis.
Deficiunt aestes, argentum, & iaspis, & aurum,
Sed non ingenua carmina scripta manu.
Sint quæcunq; tamen quæ trado, suscipe, sæpe
Vilibus ornatur frondibus ara deum.
Suscipe, cor trado, & mentem cum corde, meumq;
Trado animum hic animi picta figura mei.
Et maiora merēs, nosco, si cernis amorem
O diua, immensi pignus amoris habes.



AD CVPIDINEM.

Omnia Pan uicit, uicisti Pana Cupido,
Vincar ego, quid agam? Pan tibi cedit, amem!

DE SE IP SO.

Aonium ut fierem uates haurire liquorem
Optabam, & lauri nectere fronde caput.
Acceffi ad fontes, uidit me Phœbus ab alto
Culmine, quæ poscis dona negantur, ait.

Eiectus fleui, tandem miserata labores
Alma Venus, paphias a bibe dixit, aquas.
Acceffi, & sitiens absorpsi mixta uenenis
Pocula, & ignifero mersus in amne fui.
Nunc hæc pœna mihi, nam dicere cogor amores,
Non carmen, fati cantor & esse mei.

DE CAELIA ET AMORE.

Lassatus cursu, & quærens requiescere, pulchræ
Virginis in gremium candidus ibat amor.
Illa exscandescit tanquam notus imbribus ætus,
Tanquam in uestano nigra procella mari.
Excutit hunc totis manibus, proclamat, & obstat,
Pollueret castos ne sibi flamma sinus.
Cur ita truder? ait deus, admiratur, at illa
Illa inquit, non sum Cælia nota tibi?
Ut pede qui pressit colubrum, post horret, abitq.,
Sic miser audito hoc nomine fugit amor.
Et fugiens dixit, fugienti parce, parentem
Credideram, non te, tu mihi uisa parens.

AD CAELIAM.

Non ego turbati crescentia nubila cœli,
Non uereor fluctus atra procella tuos.
Non mare quum sæuat uentis, non grandinis ictus,
Non dura imperio fulmina missa Iouis.

Non pestes, morbosq; graues, non plena ciculis
Pocula, non colubri dira uenena trucid.
Non subito terræ motus, non horrida Maris
Prælia, non casus fors male fida tuos.
Non rapidos ignes, non mortis tela recurua,
Non styga, non terno qui uorat ore canem.
Nil hæc, at solum uereor te Cælia, solum
Tu potis es uitam, & tradere fata mihi.

DE SUA EFFIGIE.

Vera mei effigies hæc uultus, deficit una
uita hic, quum picta est, non ego uiuus eram.

DE FORMA ET SAPIENTIA DIA, LOGVS.

Forma quid est? decor almus, uinax gratia, gratus
Per iusta admixtus membra colore fauor.
Quæ soror huic? soror huic felix sapientia, at illa
Gressum oculo, hæc animo præbet, utriq; fauor.
Cur illam sequimur? iacet altera pressa? siletq;
Hæc riget, & cultum negligit, illa nitet.
Grato illa, & dulci procedit, & ore nitenti.
Hæc incompressis stat pudibunda comis.
Quare illa inflammat? uiuos quia uisa per artus
Influit, & radijs cor bibit omne suis.
Quæ formosa magis? refer hoc, magis illa, magisq;

Allicit, illato lumine cuncta beat.
Quæ plus in pretio? pretiosior illa metallo
Illa omni, sacrum, respice, numen habet.
Cur illa ardenti cœu flos æstate fatiscens
Præfertur? grauis hæc delitescit, illa patet.
Hoc quod cernit amat quisquam, miratur & illud.
Hinc ueniunt chartis quæ modo texo meis.
Quid tunc Pallas erat? uis & Innonia? malum
Quum tulit a pulchro iudice læta Venus?
Quid ni forma fuit? per quam tot funera troes
Acciperent? per quam græcia mœsta foret?
Hyperides sileat, potuit sua pectora phryne
Denudans rigidi flectere iura fori.
Et gorgo attonitos in marmora uertit amantes.
Vicit & attonitos Hippodamia duces.
Non mirum ergo meos si Cælia flexit ocellos.
Digna est illa homines, digna mouere deos.

DE CAELIA.

Sunt geminæ ueneres, musæ bisquinque, Dianæ
Et geminæ, pulchræ quattuor & charites.
Omnibus in rebus Venus est mea Cælia, Musa
Docta, Diana nitens, & sine labe Charis.

DE CAELIA ET AMORE.

Cælia fatur, amor fatur, sua lumina pandit
Cælia, purpureus lumina pandit amor.
Cælia dormit, amor dormit, stat Cælia sola.
Solut amor, ridet Cælia, ridet amor.
Cælia plaudit, amor plaudit, dat Cælia cantus,
Cantat amor, plorat Cælia, plorat amor.
Cælia pleetra manu tractat, sua pleetra decorus
Tractat amor, uadit cælia, uadit amor.
Quodcumq; illa facit, facit hic, tamen ordine in uno
hoc uariant, sæua est cælia, mitis amor.

AD ROSAM:

Pulchra breui duras rosa tempore, forma breuiq;
Tempore, sic formæ par rosa tempus habes.

AD CAELIAM.

Cementes superi qualis non amplius unquam
Visa fuit formam diua puella tuam.
Illorum unus ait, cur olim maximus arsit?
Nunc friget: tanto nec calet igne deus?
Europæ, & Danaes, & Ledaë uincit honores,
Et nihil hac toto fulget in orbe magis.
Dixit amor, uerum, sed præscò tempore nulla
Virgo fuit dura, hæc dura, superba, ferox.

AD CAELIAM

Attollis cœlo si lumina, sydera gaudent.
Si terræ affigis lumina, terra calet.
Fronte Venus fulget, si claudis lumina, nudus,
Lumina si pandis, cum face sævit amor.
Lumina si cœlas, mœret sine sydere cœlum,
Terra calore, Venus fronte, Cupido face.

DE SE IPSO DIALOGVS.

Quid quæris? quo tendis iners? quo nota feruntur?
Dic, cupis auratos forsân habere lares?
Hoc alij poscant, vis culti iūgera campi?
An regum solium? pontificumq; toros?
Infelix quicunq; cupit, quodcunq; sub undis
Hermus habet teneam, quæ mihi tuta quies?
Irus inops essem, quamuis immensa tenerem
Imperia, aut gazas Cræse superbe tuas.
Nudus in has ueni terras, & nudus abibo.
Hinc meâ sollicito uita labore caret.
Hinc pello curas, & lætam duco inuentam.
Hinc sperno quicquid diues auarus habet.
Nil ergo exoptas? exopto ut diligat illa
Me totum &, dulci simus uterq; toro.

D E CAELIA.

Stabat amor, stabat meâ Cælia, uterq; favillas
In me uertebant, hic face, & illa oculis.

Victus eram, victus, quum fallax ore rubenti
Dixit amor, iaculis da tua corda meis.
Te te redde mihi, dixi, me reddo puellæ,
Non tibi, tu sæua cuspide regna tenes.
Illa meis ornet spolijs sua templa, grauiq;
Illius ante pedes compede uinctus eam.
Hæc simul ut fudi trepidanti pectore uerba,
Alligor, atq; libens do mea colla ingo.
Quis credet fronti? uisa est tunc mihi, at illa
Illa magis facta tygride sæua fuit.

AMOR MARMOREVS

Quid spectatis? amor sum saxeus, armaq; fictus
Ficta gero, uiuens Cælia uerus amor.

AD CAELIAM.

Vt grex porcorum morti seruiamur, & hora
Crastina quid tradet dicere nemo potest.
Hoc cuiquam notum cum sit, uiuamus, & omnis
Apposito fugiat cura, dolorq; mero.
Res alias fortuna regat, fortuna beatum
Me faciet, si tu Cælia diua uoles.

AD EANDEM.

Cælia cui tantum tribuit natura, polusq;

Sit minor ingenio ut fœmina, uirq; tuo.
Cœlia formosis forma præstante deabus.
Moribus & priscis anteferenda uiris.
Cœlia pierias inter ueneranda sorores
Arte tua, & dulci uerba sonante lyra.
Omnia sub cœlo quæ sunt tibi Cœlia cedunt
Ingenio, forma, moribus, arte, lyra.

DE STATVA EIVSDEM.


Dum niueo ducit raram de marmore formam
Sculptor, & eximiæ perficit artis opus.
Vera hæc effigies quidam inquit, & illius hic stat
Flatilis in uenis spiritus, ora mouet.
Hæc ferit, illa ferit, surdis hæc auribus, illa
Auribus & surdis, hæc riget, illa riget.
Hæc alba, illa alba, hæc magis est crudelis, & illa
Crudelis magis est, hæc flet, illa flet.
Hæc glacialis hyems friget, glacialis & illa
Friget hyems, lapis hæc sculptus, & illa lapis:
Sed non æquales sunt una parte, q̃ illa
Illa magis uento mobilis, hæc stabilis:

DE CAELIA ET AMORE;

Ibat uenatum in syluas, telumq; gerebat
Cœlia, & alipedæ maxima stabat equos:

Obuius it uolucris puer illi, telaq; uibrans
Certeuus, satur, dum geris arma simul:
Cælia sed tenerum ridens ait, arma gerentem
Stulte petis? non te uici ego inermis? abi.

DE CAELIA.



Quum uenirem aspicerē sine flammis, accipe, dixi,
De nostro flammam pectore, at illa mihi.
Sunt uersa in cineres tua pectora, si uolo flammam:
Dat flammam ex oculis Cælia, & uro deos.

AD CAELIAM.

Quid mihi barbaricæ si nūscēt prælia turmæ?
Mœret & ereptis ausonis ora bonis?
Quid mihi si dira descendunt grandine nimbi?
Vstulat & cultos syrius acer agros?
Quid mihi si pereunt homines? armenta? gregesq;
Insidet & siccis faucibus atra fames?
Quid mihi si regnant reges? laudantur & ipsi?
Vendit & elatos purpura lata duces?
Quid mihi si totus cum terra corruit æther?
Sorbet & erectas mobilis unda domos?
Hæc mihi cura, rosis, & cingere tempora myrto,
Et curas multo dilapidare mero.
Hæc mihi cura, comas, & barbam tingere succo
A syrio, & dulces continuare iocos.

Hæc mihi cura, dies albo numerare lapillo. 30

Lassaq; composito membra fouere toro.

Hæc mihi cura, nouem cantu celebrare sorores,
Inter & curuæ pleetra mouere lyra.

Hæc mihi cura tuas tibi semper dicere laudes

O dina, & uultus semper amare tuos.

AD CVPIDINEM.

Es deus, ambobus si æquales dirigis arcus,

Non deus es, solum pars mea uulnus habet.

DE CAELIA.

Publica quum fierent spectacula, tela proteruis

Exercebat amor, & Venus alma faces.

Diuersæ hæc uoces, diuersa hic lumina, at una

Vna est ut celebri uisa puella choro.

Omnibus una fuit uox, & fuit omnibus unum

Lumen, cum matre est factus inermis amor.

DE LIBELLI QVERELA.

Quæ te dira premit toties? & uexat Erinny?

Non ne pudet quæ sunt ore tacenda loqui?

Vera putat populus, nam stultos esse poetas

Inquit, ego testis sum modo, stulta facis.

Et scribis, deles, & deles, scribis, & illa

Quæ seruas, non sunt carmina digna legi.
Nescis quicquid agis, nescis, sic labitur ævum.
Sic manet in nullo mens tua firma gradu.
Iure queror, ferior cultro, feriorq; lituris,
Et patior calamo vulnere mille tuo.
Non curas Cuiusdæ quid sit dementia, sed te
Delectat præceps & sine mente furor.
Hoc solum doleo, claras si mittar in auras,
Quid dicam? si quis tam mala uerba leget.
Non mens hic error, clara tua uoce fatebor
Crimina, nam uenient in caput illa tuum.
Clamabo in trinijs, uellem nunc posse placere,
O nequeo, insanus talia scripsit amans.

DE CAELIA, APE, ET AMORE.

Lassa quiescebat prope murmura fontis amœni
Cælia, ubi uario flore nitebat humus.
Melificans it apes, & circum roscida labra
Dum uolat, in terram sæpe repulsa cadit.
Iam moritur, sed ait moriens, flos qualis in aruis
Nascitur, ex flore hoc q̃ mihi dulce mori.
Hæc ut dixit, amor tumulum de cespite fecit,
Atq; illi tumulo hæc carmina pauca dedit.
Ambiguum est, an apes sit dulci mortua labro,
An dulci flatu mortua, utroq; fuit.

AD CAELIAM.

In crine accedens amor est intextus, amœnis
Enitet in labris, fronteq; dulcis amor.
In pulchris stat amor manibus, stat pectore in albo,
Quum cantas, doctis cantibus exit amor.
Agglomeratur amor pedibus, quum uadis, ubiq;
Ut seruus dominam te comitatur amor.
Non unum ergo tenes, sed mille in corpore amores,
Quicquid habes, amor est, o dea, quicquid agis.

DE CAELIA.

Fulgida quum legeret cumano in littore conchas
Cælia, fallor an hæc cypria? dixit amor.
Non fallor, sic pulchra nitet mea mater, & alba
Sic flauas ornat spuma, politq; comas.
Sic ridet, queritq; iocos, sic pictus eburno
Cestus adest collo, sic mouet arte manus.
Fallor iners, hæc pulchra magis, non fallor, cunctes
Tres uideo ancillas, autumno, sunt charites.
Assistit scopulis, & peto lumine, peto
Lumine commotas en maris æquat aquas.
Hæc fallor, non illa cremat sic ore, rigentes
Diuas sed hæc cantas, & cremat ore fretum.

AD CAELIAM.

Ne peream auertis tue lumina, falleris, illis
Vino magis, perimunt lumina? Sic peream.

DE VENERE ET CVPIDINE.

In fulua dum pulchra Venus spaciatur arena,
Et pelagi spectat maxima regna sui.
Venit amor, sumpsitq; facem, fax missa per auras
Vssit acidaliæ mollia corda deæ.
Novit ut illa sui rutilantia spicula nati
Vociferat, quid me nate protervæ cremas?
Palluit audito matris clamore Cupido,
Atq; sibi ut silices obriguere comæ.
Flens tandem dixit, non est tibi Cælia dispar,
Hanc uolui, non te (parce) ferire dram.

DE CAELIÆ PICTVRA.

A spiciens pictam in tabula se Cælia, sollers
pictor ubi nudam me modo vidit, ait.
Inquam ego, non nudam vidit te pictor, amantis
Hic anima, hoc anima vivit amantis opus.

DE SEIPSO ET CORDE DIALGVS

Quid cor iners agis hic? ploro, cur deseris illam
Sic plorans: nequeo frigora tanta pati.
Vnde hoc frigus habes? nix illo in pectore, durum
Atq; gelu, membris resituare meis.
Tu prior domina, nolo, feruoribus ardes.
Vrerer, in membris stat gravis ætæ tuis.

Verum sed si corde uaco, dilabar in umbras
Mortis, & in tenebris me teget atra dies.
Iam pridem ipse peris, quum te mea liquit inanem
Gratia, tunc mota ex corpore uita fuit.
Nūc nisi paruus ades pulvis, nisi somnus, & umbra.
Et quamuis uadas tu pede, luce cares.
Iungere o calidis his fibris, forsitan auram
Vitalem accipiant, me quoq; parca premit.
Non possum. sed erit qui nos curabit, & urnam
Tradet, & hæc cernet uerba uiator ibi.
Quos nequijt uiuos simul addere uita, sepulchrum
Addit, obit nunc cor. sed face cordis herus.

DE CAELIA.

In me quum rueret facibus præcinctus, & arcu
Fortis amor, dixi, sum sine corde, uale.
Non possum extingui, tota est mea uita sub illa,
Illa ferox animum sustulit, illa tenet.
Cœnosat iratus, sed pulchra ut lumina uidit,
Hoc tibi habet sceptrum Cælia, uincor, ait.

DE SPE

Ludificat uitam spes longa, nec exhibet ulli
Quicquam homini, ut speres mors inopina uetat.

AD CAELIAM.

Viuebam, nunc dispereo, qui spiritus artus
Rexerat hos, sedes incolit ille alias.
Si uis in terris ut uiuam, redde mihi illum,
Et si non illum redde tuam (oro) animam.
Sic mihi me reddes, sic te tibi Cælia reddes.
Ambo sic parili iuncti in amore erimus.
At si dura manes, nec gaudes, perdis utrunq;
Me quia amo nimium, te quia amas nihilum.
Et quanto est odius amor excellentior, ipsa
Tanto interfecto crimen amante facis.

DE VENERE ET CVPIDINE.

Omne olim cælum (ut fertur) cælum omne ruebat
Inter se superi dum fera bella gerunt.
Fortis erat Bromius thyrsos, Mars ense, tridente
Neptunus, fortis fulmine dextra Iouis.
At quum iustus amor fuit in fulgentibus armis.
Nec non accensa lampade pulchra Venus.
Priuatur thyrsos Bromius, Mars ense, tridente
Neptunus, fortis fulmine dextra Iouis.

AD IMAGINEM SVAM.

Quis mihi te similem sic fecit dulcis imago?
Quam uere uultus exprimis ipsa meos.
Tu palles, me pallor habet, tu lumine cæco,
Cæcus ego, nulla heu mens tibi, nulla mihi.

Vita tuos artus, & nostros vita reliquit.

Muta taces, muta est hæc mea lingua, tacet.

Tu sine corde manes, maneo sine corde, moraris

Hic sola, hic solus nocte, dieq; moror.

Membra geris tenui, & fragili contexta papyro.

In tenui & fragili cortice figor inops.

Nil nisi uana mei tu corporis umbra, uel aura.

Corporibus par est umbra, uel aura meis.

Non multo duras tu tempore, tempore multo

Non duro, si es tu cinis, ipse cinis.

Ambo pares, at læta magis tu degis, amorem

Non sentis, miserum me facit asper amor:

AD CAELIAM.

Numen habet Pallas uirtute, & robore Iunor

Diana & casto corde, decore Venus.

Cur uirtute nitens, & robore, cordeq; casto,

Atq; decore, cares numine? se uia manes.

DE SEIPSO ET ANV DIA- LOGVS.

Consule quid faciam, flammis exuror, & illa,

Illaq; stat duro marmore dura magis.

Consulo, funde preces, sis illi blandus, ubiq;

Fundo preces, illi blandior, usq; fugit.

Tange chelym digitis, & nervis dulcia neſſe

Carmina, nil profunt carmina, nilq; chelys.
Te mitem ostendas, gemitus exprome, tuosq;
Fletus, his gaudet sæpe cupido malis.
Me mitem ostendo, gemitus ex pectore promo.
Sunt fletus fluij lumina, spernor amans.
Mitte potens aurum, sum pauper, pauper & auro
Frangitur, hæc regum munera diues habet.
Tam magni ieiuna fames delebit amorem.
Nulla fames, tempus, tempore maior erit.
Si non ista iuuant, laqueo da colla, moraris
Quid miser? hæc flammis sola medela tuis.

AD CAELIAM.

Sæuis, nosco, nocet, & quantum sæua, nocensq;
Me pellis, tantum pulchra, & honesta trahis.

DE CAELIAE DVRICIE

Sunt duri scopuli, sunt dura & mormora, durum
Et ferrum, in summis robor a dura ingis.
Sunt duræ rupes, sunt antra, & cornua dura,
Atq; adamas durus, durum hyemale gelu.
Durius at scopulis mea Cælia, marmore, ferro,
Robore/rupe/antro/cornu/adamante/gelu.

DE SEIPSO ET CVPIDINE DIALOGVS.

Quid nunc blande puer cessas? & frigore torpes?
Suscipe de pharetris aurea dona tuis.

Quid blandus uocitor? si frigans torpeo? & aurum

Quid petis a misero? corpora nuda uides.

Dum sedet in molli prato, & desyderat auram

Sæpe mouens flabrum Cælia, mitte faces.

Non utor facibus, perijt mea gloria, quondam

Dives eram, sed nunc (aspice) pauper amo.

Quæ te res inopem? quæ te res fecit inermem?

Quæ tenet in ninea flabra decora manu.

Quid uideo infelix, quid sentio, turbor, & angor,

Et miror, tantum cur patrat una scelus.

Ne mirere, oculis, oculis ualet una decoris

Alliget ut cuius fortia colla deo.

Expertus loquor hoc, hærent conuersa medullis

Arma meis, illi quum iacit arma manus.

Quare age non nudo flammæ, aut quære sagittas,

Illa illa imperium, & numen amoris habet.

DE CAELIAE FVRTO.

Quum dormiret amor, rapuit clā pulchra pharetrā

Cælia, surrepta fletit amor pharetra.

Noli cypris ait sic flere Cupido, pharetram

pulchra tibi rapuit Cælia, restituet.

Non opus est illi calamis, non ignibus urit

Voce, manu, gressu, pectore, fronte, oculis.

DE SEIPSO ET PICTORE DIALOG.

Quid pingis pictor? uolucrē non cernis amorem?

Hic amor? hoc nullus maior in orbe deus.

Falleris ardentes tua spongia deleat ignes.

Deleat & pbaretram. quid nisi monstra facis?

Non opus est arcu, non armis, corpora parua

Non habet hic, nec habet tela, facesq; manu.

Non sic nudus abit, niueas neq; commonet alas

Non stat sic alacri flammeus ore color.

Quo pacto est (dicas) pingendum numen amoris?

Nuda hic pingatur Cælia, pictus erit.

AD CAELIAM.

Nunc reliquam degis uitam, quæ uita recessu

D'sinit esse, hodie quæ uiget illa tua.

AD CAELIAM.

Dum cernit niuida sese Narcissus in unda,

Et perit, in florem labitur omne decus.

Sæpe illum in pratis pueri, & legere puellæ

Texentes pexis florida ferta comis.

Dum prestat disci moles onerosa Hyacinthum.

Quæ situs Phæbo flos tener hæ sit humo.

Ille etiam rabies apri quem dira furentis

Pressit, Acidaliū per nemus omne rubet.

Tu quia nec flammās nosti, neq; dulcis amoris
Præmia, eris duro in marmore dura silex.

AD CAELIAM.

Quid facit argentum preciosa in ueste? uel aurum?

Aut color? ut corpus contegat illa datur.

Ex ebore albeni quid sponda? aut fulera? quid ipsa

Stragula picta? struit si leuis herba torum?

Nim nisi priscorum historijs uariata nitebunt

Aulæa, infundet non sua dona sopor?

Ampla quid ex auro rutilant laquearia? & ampla

Quid sub mygdonio marmore nixa domus?

Si non hæc picei depellunt nubila cœli,

Nec sedant curas, non satis ima teges?

Ipse sibi qui pondus iners, fulgente uehatur

Lectica, aut acri conspiciendus equo.

Quid mēus acer equus? mea quid lectica refulgens?

Si possum pedibus me modo ferre meis.

Quid quæ sitæ epulæ? facili saturabitur esca

Venter edax, quantum nunc gula sēuit atr ox.

Hæc facit æquorea ut pisces capiantur in unda.

Vtq; cadat duro uulnere fossus aper.

Ambitio infelix permixta cupidine, quæ non

Cogit in assueto ferre labore mala?

Felices quos turba putat, non credo, sepulchra

Sunt illi, hæc intus turpia, pulchra foris.

Exiguum non minus adest, q̄ uino polumpq;

Quod specto, hoc ipso munere dives amo.

DE AMORE.

Numina cur tot habes genus o mortale deorum?

Est amor in cunctis rebus ubiq; deus.

Mars hic bella gerens, terras Vulcanus adurens.

Iuppiter impellens fulmina. solq; die.

Nocte soror solis. curas ex pectore pellens

Bacchus. & Alcides quum fera mōstra domat:

Quum risus, blandosq; iocos, blandosq; lepores

Affert, & miscet gaudia, pulchra Venus:

Hermes, quum flectit mentes sermone, quietat

Quum freta Neptunus. sic deus unus amor.

AD CAELIAM.

Me spectas oculis lasciva iocantibus, inde

Effugis, & rabida tygride peior ades.

Quum te credo meis manibus retinere, fugaci

Plus cerna curris, quum timet ora canum.

Si læta accedis, placida atq; benigna parumper.


Quam mihi post multo tempore sæua manes?

Quicumq; aspestat tam rare præmia formæ,

Inter honoratas te putat esse deas.

Numina sed ledis tua cum sis impia nobis,

Vana, fugax, fallax, horrida, dura, levis.



DE CAELIAE DOTIBVS.

Tres quondam nudas uidit Priameius beros
Luce deas/ideo tres quoq; luce deas.
Hoc manus/tres uno in corpore/Cælia ridens
Est Venus/incedens Iuno/Minerva loquens.

DE CAELIAE VVLNERE.

Cælia dum fulgens per florea rura uagatur.
Sæua manum illius sæua momordit apes.
Vnde has/inquit. habet uolucris tam parua sagittas?
Illato ut tumeat uulnere nostra manns?
Tunc respondit amor/sum paruus & ipse tenerq;
Et iaculis (quæ stant) mollio saxa meis.
Tu paulo maior quid non facis? ore pusillo/
Atq; oculis/montes/& maris uris aquas.

AD CAELIAM.

Si nimis intueor te Cælia/parce/loquuntur
Quas patior pœnas lumina/lingua nequit.

DE Q VERIMONIA SVA.

Dum canerē/& crebris nequicquam questibus auras
Implerem incusans terq; quaterq; deos.
Ex homine in querulam dū me uertere cicadam:

Hinc queror, & uoces ob mea damna fluunt.
Hæc medicina mihi ueniet quum frigidus imber,
Et moriar, stulto in carmine finis erit.
Mentior, hibernus me quamuis opprimat imber,
Atq; cadam, aturito corpore plura querar.

AD CAELIAE PICTVRAM.

Partenopen quum læta suam Venus aduenit, atq;
Vadit olorinis conspicienda rotis.
Gandet odoriferis hortis gaudetq; ueseno/
Quem colit inonsus Bacchus, & alma Ceres:
Et modo sebeti miratur fluminis undas,
Et modo uernantis littora læta maris.
Mirari laudat opus præclaræ molis, & ipsa
Alta ducum, & regum culmina cuncta probat.
Præterea uidet in tabula te Cælia pictam.
Miratur, Veneri tunc charis una refert.
Quid si non pictos sed uiuos uideris artus?
Quantaq; sit formæ gratia? quantus honor?
Dixeris, humanas præstat uirtute puellas.
Dixeris, æthereas præstat honore deas:
Admirans sine labe nouam Venus alma tabellam.
Telluri & figens lumina, & ore rubens
Dixit, ego nollem tantæ certamina formæ,
Non si sub phrygio indice causa foret.

DE CAELIAE ROSA:

Pumiceum digitis dum uersat Cælia florem,
Figit & in niueo pectore, cypris ait.
Cur mea dona gerit uirgo hæc ingrata? benignam
Suscepit mentem? mitis an ardet amans?
Oniniagas quatiens puer insuperabilis alas
Respondit, nunquam desinet esse ferox.
Et si dona gerat nunc mitia, respice (si uis)
Sunt illa effuso tincta cruore tuo.
Ostendit rixas cruor, & fera prælia, & iras,
Sunt animi signa hæc sanguinolenta feri.
Chare puer rudis es, nec nosti tempora ueris
Mater ait, citius quam notus illa fluunt.
Hic flos lacteolo qui gaudet pectore uanæ
Significat formæ quam cito munus abit.
Si findit folium, hæc ibi sunt præcepta, puella
Nunc uine, ut folium sic tua uita meum.

AD CAELIAM.

Fingeret ut sculptor ueros in marmore uultus:
Vultus quærebat posse uidere tuos.
Huic dixi similem uis fingere? finge draconem
Qui teneat sæuis corpora scissa modis.
Finge truces angues, aut nigrum finge uenenum,
Aut mare, quum tumidis exagitur aquis.
Finge notos rapidos, atq; humida nubila, & arma
Finge Iouis, par his Cælia, sæua magis.
Non id quæro (refert) sed pulchram quæro figuram

Illius, exuperat quæ sine fine deas.
Tunc ego, nil opus est alia tibi imagine, pectus
Hoc aperi, in corde est pulchrior illa meo.

AD AMOREM.

Cur linquis cælum ob terras? tibi patria cælum,
In cælo, non hac pulchra puella magis.

AD IMAGINEM SVAM.

I nunc ad dominam mea imago, nitebis ab omni
Parte quidem, ætherei lux ibi solis adest.
Illa dat, illa aufert animas, illa omnia, tanquam
Immortale sibi numen adesset, agit.
Accelera passus, sed ne discede, priusquam
Non poteris celeres viua mouere pedes.
Deinde ubi vitali te mutam impleuerit aura,
Succurat domini tunc tibi forma tui.
Dumq; venit tacitis præceps occasio pennis,
Voce pia quæ sunt vulnèra nostra refer.
Forsan fiet amans, & sic mihi parceret amanti,
Et sic ambobus candidus annus erit.
Sed timeo hoc unum, ne, te dum pollice tangit,
Exista occumbas, sinus & ambo pares.

DE CAELIA ET AMORE PICTO.

In claro dum se speculo pulcherrima comit
Cælia ubi pictus cum face stabat amor.
Quis credet? sic inquit amor sum pictus/at ipsa
Ipsa uidens me nunc Cælia uerus amor.

AD CAELIAM.

Optarem fieri diues/sic diues ut ille
Cræsus/& immensæ regna tenere Asiæ.
Post cernens hominum casus/& cuncta sub orcum
Ire/quid optando talia discrutior?
Diuitias contemno tuas rex Cræse tuamq;
Vendo Asiæ unguentis flore/mero/chorcis:

DE CAELIA ET SPECULO.

Colligit in nodum dum pexos Cælia crines
Ad speculum/speculum talia uerba refert.
Quid me tam fixis/fixis miraris ocellis?
Fulgorem superat lux tua clara meum.
Nota loquor/nitrea puer ille uenustus in unda
Conspectus/proprio lumine fata tulit.
Heu quia se uia manes/tibi nec uis parcere/saltem
Parce mihi/tua me scrinia clausa tegant.
Ocular aut tenebris/aut totum rumpar/amoris
Non possum ulterius uulnera tanta pari.
Et si non habeam sensum/tua gratia sensum
Exhibet/& calidè sentio pestis onus.

Dirigis huc quoties spectantia lumina, flammæ
Succedunt inopi saucia membra mihi.
Hic neq; ueridica spectaris imagine, nanq;
Opprimor, & uires non tibi reddo meas.
Si te qualis ades, talem uis nosse? tui nunc
Aspice amatoris corda, ibi imago tua est.

DE SEIPSO & AMORE. DIALOG.

Quid me sæue tua laceras cum matre cupido?
Non ego, quid quereris? nec tibi mater obest.
Tu tibi causa mali, uacuo dum pectore molles
Stant curæ, seruens serpit in ossa uapor.
Num frustra cyprin ueteres dixerunt? puella
Te cremat ignita cuspide, Cypris abest.
Nunquid nullus amor? nullus, sed forma, nitorq;
Pulcher amor, rosæ plena pharetra genæ.
Spicula solares oculi, manus alba fauillæ.
Et risus Charites, uerbaq; ueris opes.
Aurea plectra comæ, tandem ferit illa, tenetq;
Illa arcum, & flammæ, nec mihi parcat, amo.
Nil facis ergo? nihil, sed nudus talia pando.
Quid pandis? pulchri Cælia quicquid habet.

DE CAELIA ET PICTORE.

Se nudam aurato dum spectat Cælia panno,
Et picturatum tangere gaudet opus.

Dic ubi me pictor uidisti corpore nudo?
Fatur, ubi candens est sine labe femur?
Dic ubi crura? pedes? mammas? & cætera membra
Quæ tam ueridico scripta colore uigent?
Sic pictor. dubitas quid nunc? sum doctus ab illo
Qui tuus est uero corde fidelis amans.
Quo pacto, illa refert me nudam uidit amator?
Illius ex omni parte fugatur amor?
Tunc pictor. mæror, pallorq; illius, & ardor
Ostendit, quantum sit tua forma decens.
Si sum tam tetrica, & qui me sectantur amantes
Expallent, nitis cur ego pingor? ait.
Cui pictor. placidum facies tua signat amorem,
Quod latet in tacito pectore nemo uidet.
Sæuiciam in pulchris si uis ostendere membris
Pinge supercilij hæc fera uerba tuis.
I procul hinc hospes, sum sæta sæuior ursa,
Sum lapis, & qui me poscit, inanis erit.

DE AMORIS LAUDIBVS.

In terris quum falsit amor, cessere tenebræ.
Et magni uisa est semita clara poli.
Tunc cessit torpedo grauis, cessuq; ueternum,
Pestis, & infelix grando, niuisq; furor.
Cesserunt Iouis horrendi uaga fulmina, cessit
Bellorum rabies, & necis atra manus.
Absit amor, surgunt tenebræ, torpedo, ueternum,

Pestes, grando nives, fulmina bella, neces.

DE SE IPSO.

*Flens ueni in terras, & flens discedo, fructus
Dum uixi fletus uita, dolor, gemitus.*

AD ACANTHIDEM.

*Quam bene tu mecum uolucris dulcissima uiuis,
Sat dulce eiusdem sortis habere pares.
Tu fixo in ramis uisco decepta fristi.
Decepta & uisco præda ego, præda fui.
Tu sola hic, sola, hic ego solus, solus amator.
Utq; abeas, optas. opto ut abire queam.
Tu uiridi pluma, atq; innato murice tincta,
Me quoq; (si nescis) tingit uterq; color.
Spes uaret, ostendit mea murex uulnera, ploras
Tu libertatis tempora, tempus ego.
Te cauea includit lento de uimine texta.
Me claudit sæuo in carcere sæua Venus.
Damnosæ querulo mulces modulamine curas,
Heu curas querula mulceo uoce meas.
Spina tibi nomen præbet, mihi spina dolorem
Iniecit lateri, tu gemis, ipse gemo.
Ambo infelices sumus, & sine sensibus ambo.
At tua fors nostra sorte beata magis.
Porcio tota tibi cordis, mihi porcio nulla*

Cordis adest, totum cor laceravit amor.

DE CAELIA.

*Nunc ubi Praxiteles? ubi Scopas? priscaq; virtus
Illorum artificum? cuncta sepulta iacent.
Heu doleo, nostræ quis marmore sculpet in albo
Pectora? quis fulgens lumen? & ora deæ?
Erigere huic statuam, & templum ædificare decebat
Oblatas caperet pro Ioue ut una preces.*

DE CAELIA.

*Ferrû flamma domat, silicē domat unda, adamantē
Sanguis, at hæc ferro durior, & silice
Atq; adamante, meo non igne, fluente nec unda,
Nec misso e uenis sanguine se domuit.*

DE SE IPSO ET CAELIA.

*Mirabar (memini) miranti Cælia dixit.
Quære alios tibi nunc, quære in amore iocos.
Dum cribro fluvios captas, & reitibus austros.
Nil agis, utq; fluens laberis unda miser.
Nunc potes ausonias, aut graias uoluere chartas.
Dum tenera est ætas, & labor ipse iuuat.
Nunc propera, dinuue facies, dimitte sagittas,
Floreat & studijs culta thalia tuis.*

Nosce diem, uenient tristissima nubila, quunq;
Grata uoles uitæ sumere dona, fluent.
Ne cogare senex rideri, aut tradere flammis
Quæ scribis, nunc sunt præcipitanda rogis:
Vera licet referas, dixi, tua candida forma
Efficit, ut faciem cogar amare tuam.

DE SE IPSO ET CVPIDINE
DIALOGVS.

Aliger inuicta qui cuspide semper oberras.
Dic mihi cur nudum te tua mater alit?
Nudo homines qui nostra petunt delubra, rubenti
Cur stant in dextra spicula? trado necem.
Cur puer es? pueros facio, quoscunq; sagittis
Sancio, siue uolans ignibus uro meis.
Ventosas humeris cur fixit Iuppiter alas?
Est quouis leuior flamine quisquis amat.
Cur tecum facula? quia uiuida corda, fretumq;
Et iuga montosa, & scrupea saxa cremo.
Cæcus es? an claro (dic) lumine? cæcus amator
Non ego, luce poli lux mea clara magis.
Pascersis ambrosia? seu nectare? pascor amoris
Blandicijs, risu, & sedulitate ioci.
Cur tibi pulchra parens? quia densos forma calores
Ingenerat, formæ munere nascor ego.
Cur maris e fluctu prognata est mater? amator
Ut mota in salis fluctuat unda uadis.

Dic tua num uilis domus? an cultissima? nulla
Tecta colo, hiberno sub Ioue dego miser.
Dic ubi stas quum lassa tuo sunt membra uolatu?
Credere mihi, nunquam me leuis ala uehit.
Pulchra suo imposuit me Cælia pectore, & ambo
Bella polo, & terræ, & bella minamur aquis.

AD CAELIAM.

Tota anima ex oculis mirantibus exiit, Argus
Ut fierem, orani, cæcus at inde fui.

AD HIRVNDINEM.

Aequales ambo, tu stas signata cruore.
Quassa mihi exueto membra cruore cadunt.
Tu desces itylum, quid me nisi flebilis angor
Externat? lachrymis deperiere genæ.
Tu Philomelæ & loqueris dispendia linguae,
Ipse mea ab deniens fata, necemque loquor.
Exoritur quum mane recens ex æquore Phæbus
Conquereris, mæsta tunc ego uoce quetor.
Erras, & circum, circum stridoribus imple
Atria, sic circum strideo, & erro miser.
Non tua uita magis felix, nam tempora ueris
Semper habes, ueris tempora nulla mihi.

DE IOVE ET CVPIDINE.

Iuppiter humanæ captus fulgore puellæ,
Aligero dixit talia verba deo.
Fac mecum parili flagret nunc Cælia flamma:
Et neſſat dulcis miua vincla Venus.
Huic Veneris proles ait o mihi parce fanillæ
Quas iaciam pro te, peſtora noſtra cremant.
Quod cupis, eſſictim cupio, ſum primus amator
Et norunt ſletus concana ſaxa meos.
Talia percipiens alti moderator olympi,
In puerum cœpit conſcelerare manus.
Ille ſed æreïs pennis conſiſus in auras
Tollitur, & pavitans ſulmina, quærit opem.
Hanc petit, & nixeo ſe claudit peſtore, & ipſis
Luminibus, dicens hic ego tutus ero.

DE CAELIA ET SPECULO.

Ante ſuum ornatur ſpeculum dum Cælia dixit
Sic ſpeculum, ſpeculo clarior ipſa tuo.
Quæ pars negligitur, pars illa decentior, alma
Cælia, non utor te modo ut oner, ait.
Sum pulchra (ut dixi) cupio ſic pulchra videri.
Quid pulchro in terris gratius ore uiget?
Subriſit ſpeculum, iactanti & talia ſatur.
Ne credas dictis facta ſuperba meis.
Nec tibi ſic placeas non eſt formoſa puella,
Nec prudens, quæ non ſentit amoris opus.

DE SE IPSO DIALOGVS.

Viscera si calidis tua sunt exusta fauillis /
Cur non puluere eo funere mersus obis?
Spiritus in gemitus si fluxit, & aere gaudet
Liberiore, tibi qui mouet ora sonus?
Cor si præreptum, quo inuis corde? frequenter
Si ploras, cur non conteris ossa fluens?
Si percussit amor sæuo tibi vulnere pectus.
Cur non percusso in pectore vulnus habes?
Desine quisquis ades miseros sic lædere manes,
Vmbra mea est, corpus quæ regit, ipse obij.

DE CAELIA VENANTE.

Dum uaga uenatur per nostros Cælia saltus,
Hanc cernens subito Delius obstupuit.
Cur his errat, ait, campis germana remotis?
Et iuga parthenij linquit amœna feli?
Dum sic inuitatur, uoluit sua lunnina, cynthum
Lustrat, & hic uero est numine uisa soror.
An ne duas, inquit, peperit Latona dianas?
Quæ & consanguinea est ista? uel illa mihi?
Hæc uadit passis, & passis illa capillis.
Hæc placet insigni pectore, & illa placet.
Nusquam iam similes toto sunt orbe Dianæ,
Vna stat effigies, unus utriq; decor.
Venantes ambo, uerum, sed dispare præda

Inno ait, hæc homines conficit, illa feras.

AD CAELIAM.

Misisti florem, florem mea Cælia pronus,
Pronus in abdūcto claudō, & adoro sinu.
Hesperidum cedent illi uiolaria, namq;
Pensilis aurato uomere fiet ager.
Illum irrorabunt oculi fluitantibus undis.
Pro molli & ephyro flamina pectus habet,
Donec erunt lachrymæ, donec disflabit in aurās.
Spiritus hic uiridi flore uirebit ager.
Semper ego flebo, semper suspiria fundam,
Sub uerno semper flos erit axe uirens.
Si tamen arescet, condam sublime sepulchrum,
Nænia ubi imparili carmine talis erit.
Flos iaceo hic, crebro fletu confectus, & aura
Vitali, effugi nec graue mortis onus.
Quid in puluere quæ stas sub cortice? uelox
uita magis tua (nunc gaudia carpe) fluit.

DE SE IPSO ET VENERE.

Dum Venus in triuijs errantem quærit amorem,
Huic loquor, errantis dic mihi signa dei.
Illa refert, do signa, meus, meus ille proteruus,
Audax, & præceps, & sine lege puer.
Blanditur cuiquam, cuiquam desēnit, abiq;

Et redit, & quo uult fertur, ut aura uolat.
Crine suo pulchrum caput, & pulcherrima cervice,
Vna nec in toto corpore menda manet.
Par color est igni suus, & sua lumina lucent
Ut flammæ sit nudus, nilque pudoris habet.
Arcum leua tenet, super arcum dextra sagittam.
Circum humeros calamis plena pharetra nitet.
Non parcat matri, nunc hunc, nunc sanciat illum.
Et domat æthereos, tartareosque deos.
Quæ in etiam rapidos armis innuiscuit ignes,
Sic simul excindunt arma, simulque cremant.
Alloquitur quoties blando sermone, uel ore
Purpureo arridet, damna, dolosque struit.
Dissonat a lingua & uerbis mens atra, nec ullus
Tam prudens, quem non rebus ille tegat.
Bafia lasciuus præbet, sed labra uenenum
Intus habent, sunt hæc dulcia, at usque nocent.
Dona libens offert, quæcumque hæc dona, cremanti
Tincta face, & stygio tincta liquore necant.
Tunc ego sublati ridens clamoribus inquam,
Non procul hinc gnatus cypria diua tuus.
Pectore sub nostro deus hic affigitur, alas
Perdidit, & claudo stans pede, abire nequit.

AD CAELIAM.

Tres charites tribus una charis conueneris illæ
Tres charites teneant ut dea te charitem.

DE CAELIAE FLAMMA.

Cælia dum teretem nixeo sub pollice fûsum
Torqueret lateri staret & alba colus.
It linum in flammâ/unde hic accefferit ignis/
Ignoratur/ait serua/cremauit amor.
Nam dum corda nequit quæ sunt adamantina/ miris
Insidians uoluit lina cremare rogis.
Inquit anus/lychni fuit hæc scin'illa propinquâ.
Blanda sed augurium credidit esse parens.
Aut hæc/dixit/erit fulgens regina/regetq;
(Non fallor) terras & mare/signa patent.
Aut hæc æternum infiget tellure trophæum
Ob formam/nuas filia/fulsit apex.
Talia dum referunt telis armatus/ & arcu
Venit amor/blandos sic dedit ore sonos.
Si longe aspiciens hæc uisit lumine diuos,
Atq; homines/prope cur urere lina nequit?

DE CAELIA DORMIENTE.

Dum mouet aura comas/dû fontis murmurat unda/
sub placida hac preffit me modo ualle sopor.
Quisquis ades mollem (dum dormio) parce quietē
Rumpere/sum sacræ Cælia numen aquæ.

DE ARGO.

Argus eram prudens, & habebam lumina centum.

Centum sed rapuit lumina Iuno mihi.

At postq̃ pictum fecit sibi Cælia flabrum

Ex illis, oculos sentio, cerno magis.

Invidet his oculis tellus, & pontus, & æther.

Quilibet & lucem uellet habere meam.

Siquando faciem tegit, aut siquando papillas.

Phœbe tuam toto pellis ab orbe faciem.

Depulso quoties diffunditur aere uentus:

Sedulus accensam lampada motat amor.

Hinc ego uiuo, & amo, tamen hac formidine turbor,

Ne sibi dum frigus captat, adurar inops.

DE CAELIAE BALNEO.

Incluta laudatas peteret quum Cælia Baias,

Atq; saluiferis membra lauaret aquis.

Vidimus cœlis undantia balnea flammis,

Miramur, quid sit tantus, & unde uapor.

Quidam inquit, simulac iussa est hic Cælia nuda,

Hac cum rupe latens protinus arsit amor.

DE CAELIAE FLORIBVS.

Iam crescent albi flores, & fulgida crescens

Lilia, narcissi, purpureæq; rosæ.

Qui si quis amas, gaude, creuit flos unicus, et iam

Maturus suauis minus odoris habet.

Lætentur ualles, campi lætentur, & horti,
Quaſi ſciant hyemis, ueris habentur opes.
Arridens albos flores, & lilia ſandit
Cælia, narcifſos, purpureas & roſas.

AD CICADAM.

Tu felix cantas molli ſub fronde cicada,
Ipſe queror dura uirginis ante fores.
Ros tibi dat uitam, mihi uitam ſletus, adurit
Aeſtatis non te feruor, aduro amans.
Tu quocunq; libet uolitas, ego carcere claudor.
Garrula tu ſundis carmina ſinus ego.
Tu uernis zephyris, & læni flamine gaudes,
At mea ſuccendit feruidus oſſa calor.
Tu nimis exultas, ego cæco uulneror archi/
Tu diues (ſic eſt ſors mea) pauper amo.
Hoc tantum ſimiles ſimiles ſumus ambo, querente
Voce peris, pereor uoce querente miſer.

DE CVPIDINE.

Fallitur eſſe deum qui magnum dicit amorem/
Qui deus eſt bonus eſt, hic malus uſq; necat.

DE SE IPSO DIALOG.

Cur ſic exardes? naſcenti Aſſauit amores

Torua Venus/Veneris flammea regna se'quor.
Quæ tibi dic mater: fletus: pater: impius ardor.
Quæ nutrix? gemitus: quæ domus? urna silens:
Quo lacte es pastus? spe cassa/ & corace/ & euro/
Quis docuit linguam promere uerba: furor.
Qua ueste obtegeris? corpus patientia corpus
Obtegit/ hic quæris quid modo: quæro necem.
Quid garris? tetricæ pallentia funera mortis/
Qui uiuis? miseri ut uiuere in orbe solent.
Num sic semper eris? semper, quæ causa doloris
Dic tanti: solus causa malignus amor.

DE CAELIA ET CVPIDINE.

Flebat amor/matremq; suam quærebat, at ipsa
Ut uisa est uultu Cælia pulchra suo.
Ipsam appellat amor matrem/ sed Cælia toruo
Lumine ait/ non sum mater/ amor rubuit.

DE SVA PICTVRA:

Pingeret ut tenui in tabula mea corpora pictor.
Cæperat a membris pingere membra meis.
Sed quoniam absumpto nisi pallor stabat in ore
E populo unus ait/ sit tibi pallor opus.
Approbat/ & tenuem pallenti cromate formam
Pingebat/ cur non dico ego/ pingis aquas?
Cur non & flammæ? cur non suspiria? cur non

Hos gemitus? hæc sunt quæ mihi damna nocent.
Ille autem infausto cernens me uiuere fato/
Pinxit in ardenti corpus inane rogo.

DE CAELIA ET SPECULO.

Pectine formosos concinnans Cælia crines
Consuluit speculum quæ sibi forma foret.
Respondit speculum: quid tecum fulgor? honorq;
Si fugis idaliū tam pudibunda torum?
Accedent anni quibus istæc fugerit ætas.
Et quibus urenti non eris apta ioco.
Vine hodie: cras nimbus erit: cras nubila surgent.
Impelletq; tuam dira procella ratem.
Conteris ætatem uiridem non uinitur apte
Hic ubi non lætus dona ministrat amor.
Quid tibi concessus decor? utere tempore. uirgo
Casta nimis dici uirgo sepulcra potest.
Omnia mutantur: quoties mutata dolebis.
Et dices: beu cur dura in amore fui?
O quam sæua tibi: cur perdis præmia formæ?
Forma quid est? fructum ni sua dona gerunt?
Nunc propèra: dum uernat humus: dum lilia florè.
Hæc non maturo tempore læta cadunt.
Nunc propèra infelix: uertuntur tempora: circum
Et redeunt: sed tu non reditura peris.
Cui non hoc notum? uita hæc ni pulueris umbra.
Vita nihil: cælos suspice: amore calent.

Quid sit amor, nescis? res est dulcissima, disce,
Disce tua sapiens utilitate frui.
Cur natura dedit quæ dona relinquis? & illa
(Quam peccas) homines mille relicta necant.
Lenta manes, nec credis inops, inscitia tanti
Causa mali. gaude (sæua moraris) ama.
Hoc hoc consilium tibi do, do Cælia, dumq;
Me spectas, speculi hæc uerba loquentis habe.

AD AMOREM DORMIEN-
TEM.

Dormis sæue puer, sed non tuus arculus, ignem
Suscitat, & nigili lampade corda cremat.

AD IMAGINEM CAELIAE

Tristia solaris præcordia, dasq; quietem,
Quum cerno uultus picta tabella tuos.
Contra illa infestat me: totum, spernit, & odit,
Et quam formosa est tam ferus urit amor.
Si tibi lingua foret, proferres uerba, sed illa
Ora potens mihi uoce mouere, silet.
Et quamuis sileas, tu dicere uerba uideris,
Et mulces fletus, sæuius illa tumet.
Annuis, ingredior quoties, reddisq; salutem,
Illa negans solum dicere nouit, abi.
Læta manes, mecumq; sedes immobilis, illa

Mobilior sicca fronde superba fugit.
Te crebro ostendis, crebro latet illa, querelas
Tu uanas audis, surdior illa freto:
Estis inæquales cunctis in rebus, & ambo
Dispariles, sed uos res facit una pares.
Illa ab amore procul quia uitæ munera nescit,
Emoritur, tenebras tu quoq; mortis habes.

DE CAELIA ET CVPIDINE.

Armatur telis puer aliger, accipit arcum.
Et ruit in dominam cum face, lætor ego.
At domina ut tor sit sua lumina, diffugit ille,
Non te (parce precor) cor peto amantis, ait.

DE SE IPSO, MORTE, ET CVPIDINE

Dum mea lingua uocat mortē, mors aduenit, & quid
Vis? ait, hoc cupio dico ego, cæde caput.
Falcem aptat collo, cædit, nec cæditur ulla
Vena, nec elapso membra cruore cadunt.
Miratur mors, ipse tremo ceu canna palustris
Quum quatitur rauco sæpius æta noto.
Vidit ut id, summo delabitur axe Cupido,
Et dicit, non hic ense perire potest.
Si quæsssem hunc ferro, seu tristi abrumpere flamma,
Hoc arcu quoties occubisset amans?
Ossibus his tantum dolor est, & pallor, & ardor,

Pulchra sed eius habet Cælia pulchra animam:

DE CAELIA ET PAPILIONE.

Papilio fulgens dominæ dum lumen oberrat.

Carpit, & a teneris oscula grata genis.

Occidit, ante tamen nigrum quam miseret orcum,

Dicitur hæc surdis uerba dedisse notis.

Ecce hominum quæ mille donat, quæ mille deorum

Pectora, me manibus (quæ modo fama) necat.

AD LECTOREM.

Si molles elegos, & uana epigrammata texo.

Non mirum, mollis tu quoque uana facis.

DE SE IP SO ET CAELIA.

Vt mouit crines uentoso Cælia flabro,

Accessere ipsi frigora, flamma mihi.

Hoc mirum, in glaciem duram conuertitur illa,

Quæ nunquam æstiuo sole liquere potest.

Ipsæ cinis fio, sed qui me nouit amantem.

Apposuit cineri subdita uerba meo.

Cælia frigus amans dum percutit æra pennis

Fit glacies, miser hic frigore adustus obit.

DE SVIS STVDIIIS.

Quid sit libertas, noui, mihi grata uoluptas,
- Dum uigilat studijs parua lucerna meis.
Hoc inuat, an uisam reges? regumq; triumphos?
Et stabo ante tuum diues inepte torum?
Quis te ferre potest nisi demens? ferre tumentes
Qui norunt fastus, limina magna terant.
Hic mihi grata quies, & quamuis sæuiat auster,
Enitet exiguo iam mens igne focus.
Pulso chelym digitis, & dulcia carmina canto,
Carmina quæ possunt sæpe mouere deos.
An mea languentum conturbant gaudia morbi?
Iura ue clamosi lirigiosa fori?
Hoc melius, quam ferre tuas plæbecula sordes:
Irarum & pleno corde redire domum.
Ite alii in bellorum acies, in prælia, in hostes.
Tuta magis sunt hæc castra, errore uacant.
Hinc procul ambitio, procul hinc uesana Cupido.
Rugæq; turbatae frontis, & ira procul.
Conscia mens recti fida est custodia, dumq;
Nil obsum, mea quo membra pauore tremunt?
Tota ruat cœli moles, non terreor, ipsa
Ipsa ruant in me fulmina, lætus ero.

AD CAELIAM.

Nunc uiuo, & uiuis, mihi iungamur amantes,
Et læti in media sinus uterq; rosa.
Gaudentes uiuunt, blandos excludet amores

Et dulces lusus terra senecta obitus.

DE CAELIAE VENATIONE.

Dum custodit agros canis, & loca peruia cingunt *per dove*
Fila plagæ, & flatu cornua plena sonant. *si suo a*
Dum ferit aereas clamor uenaticus auras, *dare e*
Exilit exerts dente protervus aper. *nettabili*
Nunc hac nunc illac cœu fulmen perfurit, atq;
Contra illum quisquam comminus ire pauet.
Formidatis? ait maioris Cælia, uestes
Complicat, effusas aptat in aure comas.
Fleuit equum in gyros, stringit uenabula dextra,
Ille ferox dominae concidit ante pedes.
Obstupuere omnes, tunc quidam, non ego miror
Nec stupeo, ferro si fera cæsa fuit.
Ecce potest oculis pulchris, & pectore pulchro
Armatos homines, & laniare deos.

MITTIT COROLLAM AD AMICAM.

Floribus intextam diuersis mitto corollam/
Quam feci manibus nunc tibi uita meis.
Ut cingat flauos crines, & tempora circum
Fulgescat, tepidi munera ueris habes.
Sunt hic (ecce uides) tridentia lilia, pulchri
Narcissi, atq; inæ pulchræ hyacinthe comæ.

Nec non idalio maculati sanguine flores,
Atq; alij, tellus quos modo fœta tulit.
Si quæris donum, quid uult sibi tale? corolla.
Ut uiret hæc paruo tempore, forma uiret.

IRASCITVR AMICAE.

Ecce tumet forma præstanti Cælia, statq;
Insignis crine, & fronte nitente ferox.
Præteriens humili si dico uoce salutem.
Non audit uocem, nec mea damna nidet.
Rideor infelix, anni properate, diesq;
Acceleraq; tuos curna senecta pedes.
Finge genas fulcis, & canos effice, tantus
Tantus ut ex illo corpore fastus eat.

AD CAELIAM.

Ne fide humanis mea Cælia, cuncta creata
Sunt nihil, & nulla cum ratione fluunt.

DE SEIPSO & CVPIDINE DIALOG.

Cur sic expalles? ubi nunc color igneus? artus
Qui tibi (si memini) condecorabat amor?
Dic ubi labentes humana in corda fanillæ?
Vnde fugis? tua cur membra pauore tremunt?
Dic ubi sunt alæ? atq; arcus? ubi tela? pharetræ?

Non ille es genuit, quem Venus orta salo?
Ipse fui quondam deus, & cœlestis, & ingens.
Quem pepetit gratis fluctibus orta parens.
Nunc paueo, & fugio, nam me superauit amantem.
Quæ nata est damnis unica forma meis.
Dic non solus habes, non solus numen amantum?
Numina quid profunt? saucius ecce uagor.
Quis te prægrandes iaculatur fortius ignis?
Vna dea est, homines quæ ferit, atq; deos.
Et non est illi sicut mihi debilis arcus,
Qui non transmissa cuspide uulnus agit.
Dic quibus hæc armis te tantum exterruit hostem?
Arma quibus uicit me modo, nullus habet.
Illa oculis, oculis armata potentibus audet,
Intuitu ex humeris excidit ala meis.
Arcum colloquio fregit, risuq; pharetram,
Pallorem membris facta proterua tulit.
Exibat læni qui dulcis anhelitus ore
Surripuit mentem, surripuitq; facem.
Defeci infelix, mihi danina, nigrumq; calorem
Iniiciens rapuit cuncta decora, uides.
Ergo uacas? & nostra silent incommoda? statq;
Tutus amans? per me qualibet ire potest.
Sed manet in terris quæ me confixit & ussit,
Dic quæ? nota tibi Cælia? nota, necas.

DE CAELIA ET AVRA.

Lactea fulgentes dominae per colla capilli
Pendebant, quos dum prospicit aura, refert.
Quam pulchram aspicio frontem, par illa dearum
Frontibus, accedam? quis uetat? ecce patet.
Hæc simul ut dixit, ueloces excutit alas,
Cœpit & in niuea fronte mouere comas:
Illa tamen motos crines astringit in orbem,
Increpat & zephyri, sæuaq; flabra noti.
Aura sed insistit, quæ dum turbare capillos
Non potis est, labris hæret, & ora subit.
Hic hic lætor ait, nam dulcia basia carpo,
Basia spiritibus basia digna meis.
Dum sic lætatur, dum sic sua gaudia iactat,
Occidit in casto facta beata sinu.
Hanc Venus in medio locat aere, condit & urnam
In qua sub tali carmine nota cubat.
Aura in amore sui felix, nunc sum nihil aura,
Sic fiet, quæ stat Cælia sæua, nihil.

AD CAELIAM.

Luce tua ipse calens timeo, ne maximus ignis
Sit color hic, terras, & maris urat aquas.

COELO GOMPARAT AMICAM.

Septem errant ignes per cæli mobilis axes,
Septem etiam illa suo in corpore signa tenet.

Ostendit gelidos vultus argentea Phœbe,
Illa suum intextum de niue pectus habet.
Mercurius linguæ decoratur dotibus, illa
Cloquentio dulci saxa, fretumq; domat.
Apparet cum mane Venus cum uestpere, & illa
Vtroq; apparet tempore clara magis.
Aliquandis ueniens sol præclarissimus undis
Cnitet, illa suo quum uenit ore niuet.
Fortior armato Mars milite surgit, & illa
Fortior armato milite surgit atrox.
Juppiter aspiciens cum terra pacat olympum,
Cum cælo aspiciens illa serenat humum.
Curruatur senio tristis Saturnus, & illa
Pulchra satis tantum moribus extat anus.
Quicumq; ergo meum non unquam uidit amorem,
In cælum attollat lumina, doctus erit.

AD CITHARAM.

Te pulso digitis, & curuo pectine pulso,
Me pulsat sæuo uerbere sæuus amor.
Tu cincta es nervis, mea sunt religata catenis
Pectora, dulce sonas carmen, at ipse queror.
In medio stant bina tibi, stant uulnera, pectus
Mille meum quassant uulnera, mille faces.
Ebuxo contexta pites, ego pallidus humor
Tabeo, & in nilum (respice) uertor humum.
Quam pulsaris, habes animâ, nam membra resiliât

Spiritus tecum mortuus ista loquor.

AD CAELIAM.

I lege nunc florem, si floris præterit ætas,
Non florem, at sentes (ue tibi) cana leges.

DE CAELIA ET CVPIDINE.

Cælia conspicuos ornatat flore capillos.
Captus amor pulchri floris amore refert.
Da mihi diua tuum florem, do Cælia florem
Inquit, acidalias si dabis ipse faces.
Accipiens florem puer hic, sua tradidit arma,
Sic amor it lætus flore, puella face.

DE ABSENTIA AMICAE.

Hic ubi sum, mites auræ, felices & horri
Sunt hederæ, & lauri Phœbe decore tuæ.
Hic lassus recubat boreas, hic ocia litus
Indicat, & somnos dum silet unda facit.
Commoda parthenopes hic balnea, ueris & ampla
Rura, ubi perpetuo flore nite scit humus.
Sed quoniam dulcis procul extat Cælia, mitis
Aura fugit sentes & meus hortus habet.
Frigidus insurgit boreas, & littora fluctu
Curua sonant, uigili cedit ab ore sopor.

Non hic Parthenopes sed inhospita saxa Lycæi
A spicio/hic illa hic sit modo/diuus ero.

AD CAELIAM.

Qui spuma exortam cyprin/qui cypride amorem
Dixit/non uidit quam tua forma nitet.
Obuia tu quoties sis nobis/una nitenti
A spectu exoritur cypris/& unus amor.

DE SE IPSO & CVPIDINE DIA/ LOGVS.

Cur ueheris curru nec pennis alme Cupido?
Sum fessus/pennas non habet ala suas.
Non meus hic currus/sed matris/cerno columbas
Purpureas? tales dat mihi mater aues.
A duehor his auibus/sed postquam lassâ columba?
A dueheor a gemino passere lætus amor.
Qua ueheris uolucris quum lassus passer anhelat?
Nec potis est pennis se mage ferre suis?
Cælia tunc passer/tunc Cælia pulchra columba/
Cælia tunc albus cygnus/& albus amor.

AD PICTOREM:

Dele opus hoc pictor/duplici ne Cælia flamma
Nos urat/picta & uina dat ore faces.

DE CAELIA CVPIENTE
AVRAM.

Aestiva recubans sub quercu Cælia dixit
Nunc uellem afflatus mobilis aura tuos.
Confestim a nostro pelluntur pectore flabra
Aura fit ex illis motat & aura comas.
Cælia lætatur uentos sed dicit ut ignis
Fernet & urentes cerno uenire rogos.
Ne mirere ait aura tuus me mittit amator/
Et magnus fuit hic corde calente calor.
Sed miror quare nunc poscis frigora totas
Sueta tenere hyemes, sueta tenere nives.

DE SUA POENA IMMUTABILI.

Dic ubi Thebarum portæ? Babylonis & alta
Mœnia? Romanæ dic ubi sceptrum togæ?
Herba tegit Troiam graias tegit herba Mycænæ/
Nec credis montes hic ubi campus erant.
Quod secat Europæ & Libyæ mare uomer arabæ/
Nexaq; cum calabris Trinacris ora fuit.
Hic hominum steterant ubi quondam testæ ferarum
Nunc lustra urticis contumulata uides.
Quot maria? atq; lacus tellus absorpsit? & ipsa
Quot titulos tellus? quot lacerauit opes?
Atteritur digitis aurum dum fertur, & undæ
Saxa canant, mutant flumina curua uias.

Inscribunt pario reges sua nomina saxo.
Nomina cum saxis sunt peritura suis.
Omnia sub magno tandem uertuntur olympo.
At mea in æterno pœna dolore manet.

DE VENERE ET CVPIDINE.

Cypriſ ait nato, da flammæ, Cœlia friget,
Natus ait, flammæ poſſidet illa meas.

DE PVLICE.

Pulchra pulex teneræ penetrat dum mēbra puellæ,
Clamq; ſubit niueum dente premente femur.
Comprimitur digitis, & nigro clauditur orco,
Sed dedit hoc illi diſtichon alma Venus.
Mortuus hic iaceo, ſed non hic mortuus, ardens
Dum premor albenti pollice, uiuo pulex.

DE CAELIA ET CVPIDINE:

Dum legit ungue roſas & candida lilia dulcis
Cœlia, de lectis floribus exit amor.
Vidit ut hoc, ſubito excuſſa eſt terrore parumper:
Mox conſiſa ſuis uiribus, hæc loquitur.
Nō dum nude manes? non dum nie linquis inermē?
Num nequeo fronti carpere ſerta meo?
Quid cruciaris? ait deus ille, ſopore quietus

Qui stabam accusor? quis uetat ista tibi?
Siue rosas manis, seu manis lilia, sume,
Sume impune, tuus talia fundit ager.
His dictis, seruo necessest florente capillos.
Et spernens nudi numen amoris abit.
Inuidet ipse puer, potis est nec ferre, triumphus
Non erit unius dixit, adibo, uolat.
Illius agglomerat se seruo, & crinibus, atq;
Ambo summa homines impietate necant.

DE CAELIAE FULGORE.

Fulgida sat lunæ lampas, sat fulgida lampas
Stellarum, & lampas fulgida Phœbe tua.
Fulgidior certe mea Cælia lampade lunæ,
Lampade stellarum, & lampade Phœbe tua.

AD AMOREM.

Quis tibi tot flammæ? tot tela ministrat? amœno
Cælia dat flammæ pectore, tela oculis.

DE CAELIA ET FLORE.

Dum pulchrum hamatis florem mea Cælia spinis
Eligit, atq; noua contegit arte comas.
Flos ait, abruptus si sum semel arbore, grati
Quum uenient ueris tempora, rursus ero.

At tua lanificæ mutilant si Licia parcæ.

Non redit ex atro puluere frontus honor.
Illa refert, grati non flore'm ueris eundem.

Sed similem (uideo) tempora ferre solent.
Sic ego quum fuero tenues dilapsa per auras.

Aequalem non me forte uidebit humus.
Flos inquit, nunquam si reddunt fata inuentam,

Cur temnis quæ dat munera dulcis amor?
Sic numerasse dies si finis sentiet atrum.

Mærebit, tradent secula nulla parem.

DE CAELIA ET CVPIDINE.

Cælia sub quærna captabat fronde quietem,

Quam simul ut uidit, currit amator amor.
Dulciaq; e labris dum carpit suauia, somnus

Cuolat, illa gemit, lumina pandit, ait.
Quis me pressat? amor dulcedine captus abire

Dum nescit, capitur, sit noua præda, dolet.
Donec det pretium, seu pignus/linquitur ala.

Nunc illa auratas uentilat ala comas.
Et quories mitis renouatur ab aere uentus.
Ipse miser toties igne calente cremor.

DE SVO AMORE AETERNO

Tempore tecta ruunt prætoria, tempore uires.

Tempore quæ sitæ debilitantur opes.

Tempore uernales flores, argentea & arent
Lilia, præfulgens tempore forma fluit.
Tempore montani lapides, & tempore uirtus
Occidit, & regum tempore deficit honos.
Tempore mutantur cineres in saxa, peritq;
Tempore fama, perit gloria, nomen abit.
Vertitur in senium tellus, & tempore montes
Deficiunt, & quor tempore perdit aquas.
Tempore fit cælum uariabile, tempore Phœbus
Luce caret, scriptum tempore marmor obit.
Tempore duriciæ, decedit tempore liuor.
At meus ben nullo tempore cessat amor.

DE CVLICE

Non finit ipse culex placidos me carpere somnos.
Credo equidem in culicem se modo uertit amor.

DE CAELIA ET CVPIDINE.

Quum sæuaret hyems, & Cælia posceret ignem,
Maximus est ignis fœmina, dicit amor.
Illa refert, nullum, nullum dat flamma calorem,
Sunt magis hæc scythica frigida membra niue.
Tange manum quam friget amor, te tangere nolo,
Ne sis causa meæ mortis, & igne cremet.

AD SOMNVM.

Non potui tunc somne mori? da somne quietem
Talem iterum, brevis o quam brevis illa fuit.
Hoc saltem liceat, si gaudia uera negantur.
Est aliquid, similis dum subit ossa sopor.
Illæ illæ tenebræ tribuerunt undiq; lucem.
Lux tribuit tenebras, lux tenebrosa uale.
O quales quales mammas, o qualia crura,
Quale femur tetigi, nil ego uoce loquor.
O pudet, & quæ sunt dulcissima iure tacentur.
Cur taceam? totus feruet amore polus.
Lassi ambo postquam requieuimus, oscula labris
Mille illis data sunt, reddita mille meis.
Somne ueni, sed qualis eras, quum talia uidi.
En satur, & potus lumina claudio, ueni.

DE CVPIDINE & SE IPSO.

Quum uidiisset amor mea corpora nuda, nec ulla
Vulnera, num noster non ferit arcus? ait.
Num uentosa mihi sunt tela? nec illa cruorem
Educunt? nulla hic plaga cruoris adest.
Desine mirari, dixi, tua tela sat urunt.
Sat feriunt, alter me tamen urget amor.
Illa illa ætherea quæ fronte superbit, amoris
Regnum habet, & sola uulnera luce facit.

DE CAELIA ET SOMNO.

Vidit ut herboso prostrata in gramine membra
Somnus heræ, prope sit, gestit adesse, refert.
Grata hæc, aspicio, formosa hæc, angor, & uxor,
Irruerem, sed me cogit abire timor.
Excita ne surgat, uinclisq; coercear, & sic
Torquear, hinc timor hinc effuge, uincit amor.
Hæc dicens, ori vibrantibus oscula linguis
Ingerit, æthereas carpit anhelus opes.
Non contentus adhuc, complexibus uiuitur artus,
Attamen amplexus sensit ut illa graues
Desilit attonita, & socios uocat, effluit illinc
Illinc alatus cœu lenis aura sopor.
Et procul existens fatur, requiesce sub umbra.
Oppressi corpus qui tibi seminus eram.
Hoc tamen admoneo, uiuas feliciter, & nunc.
Cras quid eris, nescis, gaudia carpe, fluunt.
Ut fugi ex oculis ego nunc exclusus apertis
Sic fugis ipsa, mihi, si mihi credis, ama.

AD CVPIDINEM.

Si tua castra sequor, cur me crudeliter uris?
Parco tibi, nescit iura, modumq; puer.

DE SE IPSO & CAELIA.

Sum cinis in gelidis tumulis, sum uiuus amator.
Sum mæstus, lætor, sum sine uoce loquor.

Et locuples, & pauper amo, spe nutritior expes,
Et mando chartis carmina, mando notis.
Terra mihi colitur, tumidis & mergor in undis.
Sum saturo, & facto ventre, premorq; fame.
Haurio fontis aquas, & anhelis faucibus hæret
Sicca sitis, nideo lumine cassus iter.
Hic moror, atq; illuc propero, miser audio surdis
Auribus, includor carcere, liber eo.
Ora madent lachrymis, & rident ora, profundos
Corda cient gemitus, corda perussit amor.
Torqueor infelix ex omni parte, sed una
una mihi semper, semper iniqua mihi.

AD COROLLAS.

Ante fores madidæ sic, sic pendere corollæ.
Mane orto imponet Cælia uos capiti.
At quum per canam cervicem fluxerit humor,
Dicite, non roris, sed pluvia hæc lachrymæ.

DE CAELIA ET CVPIDINE.

Pelliceam induerat se frigus Cælia uestem,
Inquit amor, calido me tege, quæso, sinu.
Canet humus niuibus, stridens aquilonibus imber
Sæuit, eo nudus, respice, membra tremunt.
Illa, libens faciam, sed primum pone sagittas.
Pone arcum, abiecit protinus arma puer.

Illuc ingressus subito se fœuit amictu.
Perpetuo hic utinam uita daretur, ait.
Mox paulo tantum sensit sub tœgmine frigus
Ad Paphon ut celeri fugerit inde pede.

FLOS.

Flos ego qui uenio sum nuncius, alloquor, hora
Fulgorem una meum præripit, una tuum.

DE SE IPSO ET CVPIDINE DIA- LOGVS.

Tu solitus quondam cœlo gaudere nitenti
Quid facis hic nudus? nudus amator amo.
Frigora non brumæ sentis? ego torreo, ala
Cur non ex humeris pendet? adusta fuit.
Non arcum pictum? pictam non cerno pharetram?
Non mirum, maius tu quoq; uulnus habes.
Quis tibi cor miserum? quis sensus abstulit imos?
Fregit & ingenij florida dona tui?
Ergo sumus tristes ambo? sumus ambo sub uno
Vinclo? unum uinclum preßat utrunq; uides.
Credebam ipse meum te cor fixisse sagittis?
Falsus eras, quem nam fixit inermis amor?
Quum tibi uisa fuit quæ sole nitentior extat
Cælia, in illius pectore clausus eram.

DE CAELIA NAVIGANTE.

Navigat aurata dum sollers Cælia navi,
Neptuni & læto lumine regna uidet.
Cantabat (memini) stans celsa in puppe, facesq;
Iniiciens undis talia pulcher amor.
Vsumus ambo polos, nunc urimus æquora, flexo
Ipse archi, hæc oculis, & miser urar ego.

DE PICTORE ET CVPIDINE.

Pingeret idalium in tabulis quum pictor amorem
Pictori inquit amor, nie male pingis iners.
Non sum pennatus, pharetram nec gesso, nec arma
Nec manus accensas uentilat igne faces.
Pallentem, & mœstum pingas, si pingere me uis.
Ora gemant, madeant fleibus ora meis.
Cui pictor, quid aues ita pingier? amplius inquit
Non sum amor, illa, illa est Cælia pulcher amor

DE SE IPSO ET CAELIA.

Quærebat lucem extincto dare Cælia lychno.
Quod quæris lumen, dico ego, lumen habes.
Sole magis fulges, ait illa na ferrima, quod nunc
Quæro mihi, potis es tradere, nanq; cales.
Ecce adsum, re fero immensam de corde fauillan
Excute, respondet, tu sine corde manes.

DE CAELIAE NIVE.

Transibam frigens, uidit me Cælia, risit,
 Et mea compressam iecit in ora niuem.
Non nix illa fuit, rapido sed qualis ab Euro,
 Arentes calamos urere flamma solet.
Tunc arsi infelix, sunt hæc miracula, possunt
 In media fieri flammea tela niue.
Credo equidem densas potuisset adurere nubes.
 Cumq; pruiniferis æquora fluminibus.
Pone arcum, pudeat te flammæ ferre Cupido.
 Hoc numen uerum, hoc, corda cremare gelu.

AD CAELIAM.

Feruet aquis æquor, uentis impellitur aer,
 Et furit accensus sicilis ætna rogis.
Heu simul hæc nostro mala sunt in corpore, fletus
 Fundit aquas, gemitus flamina, corq; faces.

DE SEIPSO DIALOGVS.

Cur gemis? uxor amans, urit quæ flamma? puella
 Sit quæ uis, animos abstulit una meos.
Dic crines? flauos, oculos? nigrore coruscant.
 Cernicem? mira est, labra? corallina habet.
Dic faciem? Venerem, uenatricemq; Dianam
 Posset, & æquoreas exuperare deas.

Quanto hæc ingenio? cælesti pectore quanto?
Procero, atq; humeris? ampla benigna? nihil.
Albicat? illa niuem/ & candore coagula lactis.
Vincit natiuus tingit & ora rubor.
Pinguis? an exilis? manet inter utrunq; / mamillæ?
Turgidulæ/ quibus o basia mille darem.
Nec satiat adhuc illic me perdere uellem.
Contingant/ precor, o talia fata mihi.
Cætera dic? nouit quis cætera? uestis opacat.
Nec fas illa loqui, quæ meliora puto.
Texere scit? sollers tela superatur arachne/
Penelope fuso, prouida Pallas acu.
Scit musam? & Phœbi citharâ? quum cantat/ habetq;
Plectra manu, dici Calliopea potest.
Nunc nosco illa potens est Cælia desipis amens.
Desipio/ hoc nosco, cor necat illa meum.

DE IOVE.

Fit cyncus/ taurus/ satyrus/ sit Iuppiter aurum,
Ob Ledam/ Europen, Antiopen/ Danaen.

DE CAELIA ET CVPIDINE.

Cælia candentes ferro quum raderet ungues.
Infecit leso pollice sanguis humum.
Hoc ut nudit amor, nolite huic fidere, clamat.
Impegit (uidi) uulnera sæua sibi.

Non dum finierat uoces sua lingua, per auras
quum uolat & dominā sit prope, & hēret humo.
Clam clam diffusis intingit spicula guttis.
Et dicit nunc sum fortis, & asper ego.
Inde ubi se nūeis adduxit in aera pennis.
Villarum & fumo in culmine sedit atrox.
Incœpit maria, ac terras excindere, tuta
Nec fuit ex illis iētibus aula Iouis.

DE SE IPSO & SPECULO.

Cernebar uitreo in speculo, & mecum ipse querebar.
Quod tam præcipiti curreret hora pede.
Ingemui, & uitæ memorans dispendia fleui.
Et dixi euadam, qui modo cerno, nihil.
Non sum sicut heri paulatim mutor, & anni
Dum serpunt, faciem ruga senilis arat.
Hæc ego dum surdas nequicquam uanus ad auras
Proferrem, speculi dixit imago mihi.
Quod nihil appellas, requies tranquilla malorum.
Certe illud, peior mors tibi morte manet.
Nam stantis dum flet ætatis labitur umbra.
Et quæ non captas gaudia, perdis in ops.
Incipe, sic sapiēs, dubium nec differ in annum
(Si potes) optati munus amoris, ama.
Ut moriens dicas, ego uixi, nubila terge.
Sic tibi perpetui tempora ueris erunt.

DE SEIPSO ET CAELIA DIALOG.

Quid spectas? spectro tua lumina, quid tibi nostra
Lumina vis? nostrum furripuere animum.
Miror, uera loquor, radios iaculantur, & ignes,
Perq; mea accedunt lumina, abiq; animus.

DE SEIPSO ET AVRA.

Cantabam in syluis aura o zephyra' a calores
Excute ab attritis artubus, aura uenit.
Quid me poscis, ait, non sunt mea flamina tanti:
Aspice quam paruo murmure parua feror.
Dei licet afflatus boreas, dei Nerens undas,
Non possem ardores attenuare tuos.
Fontano mulcens ego tunc incendia fletu,
Dixi, infelici quis mihi tradet opem?
Hæc roseo spirans cursu sic asserit ignes
Si uult extinguet Cælia, tota gelu est.

DE CAELIA CONVALESCENTE:

Quam mea feruenti langueret febre puella,
Purpureo & starent candida membra toro:
Induit inuisum mors lurida proinus ensen,
Et petit infestis aurea tecta rogis.
Irruit, at postquam nidit sine labe papillas,
Et quales præfert flaua Minerva oculos.

Obrigit, retroq; dedit uestigia, & inquit,
Non hæc lethæam digna subire ratem. |
Sic fata infernas pudibunda recessit ad umbras.
Ausaq; sic nigro uerba tonare Ioui.
Quæcunq; æthereo sub regno regna morantur
Sunt nostra, una precor Cælia morte uacet:
Annuit hoc Pluto, facta est dea, & illico cedunt
Nubila, & intonsus dat quoq; Phœbus opem.
Sperandum est, postquam mors importuna pepercit,
Facta dea ut nostras audiat illa preces.

AD CAELIAM.

Mors mihi dat uitam, mihi mortem uita, sed omni
Vita mihi peior morte, dolenter amo.

DE SEIPSO & CVPIDINE.

Postquam picta fuit facies mea, protinus arcum
Sumpsit amor, pictam contudit & faciem.
Quid pictos, inquam, laceras puer inuide uultus?
An non sat telis pectora nostra tuis?
In te nullus, ait, locus est sine uulnere, uulnus
Addere uulneribus quid nisi lasso manus?
Te lasso, dixi, magis hic, nam spicula perdis,
Et flammæ, caret hæc picta tabella anima.
Hoc uerum inquit, habet præclara at Cælia numen,
Aspectu ut caleant omnia pulchra suo.

DE CVPIDINE

Quum puerum Veneris vulgus spectaret inermem
Vulgus ait, cur es factus inermis amor?
Respondit genitrix, pro certis ecce sagittis
Vtatur illius pectore, & astra ferit.

DE CAELIAE RETICVLO.

Reticulum ex auro intextum rutilante uenustam
Vestierat frontem, vestieratq; comas.
Quod quum vidit amor, dixit, flammatur amore
Cælia nam gignunt aurea fila faces.
Non hoc Cypris ait, nihil est ut charius auro.
Sic illa in toto charius orbe nihil.
Sed miror quare, quare illud vulnerat aurum?
Vt video, longa cum face tela iacit.
Falleris, inquit amor, non aurum vulnus, at illi
Illi oculi faciunt (aspice) saxa terunt.

DE CAELIA ET CVPIDINE.

Forte videns natum Veneris per prata uagantem
Cælia fronte placens, Cælia crine placens.
Pone arcum, & certemus, ait, pone arma, facesq;
Hic tibi si mecum prælia inire libet.
Illi dicit amor, si pono hæc arma, quid in te
Nudus agam? pugnax tu magis, atq; potens.

At si bella placent/ & stat tibi tanta libido
Certandi, tela hac lege repono mea.
Ut claudas oculos/ oculi fulgore perurunt.
Ut frenes linguam/ lingua diserta necat.
Nil horum impediet pulchra hæc certamina satur
Cælia, claudio libens lumina/ lingua silet.
Non expectat amor/ sed in æra tollitur alis.
Et fugit/ exclamat/ sat tua forma potest:

AD CAELIAM:

Si deus est amor/ & pacem meditatur/ & optat
Quæ bona sunt/ cur non hunc celebrabo deum?

DE VENERE ET CVPIDINE.

Fortè sub umbrosa requiescens arbore Cypris/
In gremio puerum fouerat aligerum.
Cypridis abscedit gremio puer aliger/ illa
De sonno surgens quærit anhelæ deum.
Quærenti exclamat genitrici uulgus/ amorem
Quem quæris/ splendens Cælia surripuit.

AD CAELIAM.

Vt scirem quanto sim tecum iunctus amore,
Atq; fide/ nisi cor tibi non rediit.
Hospicium prædulce tuum/ non amplius optat

Hos artus, gremio gaudet adesse tuo.
Post gemitum eieci, qui cordis nuncius esset.
Illum etiam (est quanquā sæpe reuersus) habes:
Nescit ubi sit cor, nec nouit dicere, solum
Spirat, & exusti pectoris auget onus.
Illi sæpe loquor, quid agit mea Cælia? quid cor?
Nil referens linquit corpus inane, fugit.
At nunc mitto animam, quæ si non ipsa redibit,
Protinus infelix hac tumulabor humo.

AD EANDEM.

Quid speculum spectas? uis uerum nosse colorem?
Quantaq; sit uultus gratia uina tui?
Aspicias quum mitto tibi mea saucia corda.
Illic te docta cuspide pinxit amor.

DE CAELIA ET LIBELLO:

Quum legeret scriptas in paruo codice flammæ
Cælia, menitur qualia scriptor, ait.
Non sic exardet, nec sum tam pulchra, decensq;
Ut fatur, sunt hæc cortice uana magis.
Tunc codex chartis qui uoluebatur apertis.
Ter uoluit, nequijt uoce referre sonos.
Hoc fecit, uacuo misit suspiria cælo.
Et mecum in cineres igne crematus abiit.

DE CAELIA ET CVPIDINE.

Vidit amor dominam, stupuit, cecidere sagittæ.
Armavit sese Cælia, fugit amor.

DE SEIPSO ET FLORE DIALOG.

Bellule flos salve, quis te flos bellule misit?
Illa tibi ætneras quæ iaculata faces.
Flaccescis (cerno) sic vultus flaccet amantis,
Mœrenti sic stat, sic stat in ore color.
I nunc ad dominam, retroq; reuertere, non id
Significas, quamuis sit mihi nulla quies.
Sed quoniam uiridem non seruas usq; decorem,
Quam cito crudelis deperit illa, doces.

DE CAELIAE CANTV.

Gaudebam, audiui dominam quum uoce canentem,
Gaudebam, qualis tunc mihi qualis erat.
Ex humeris nullo fluitabant ordine crines,
Et nulla nitidus stabat ab arte color.
Tunc mage compta mihi, mage tunc formosa, decēsq;
Visa fuit, poterat saxa mouere sono.
Sed quia nulla diu firmantur gaudia, uoluit
Forte oculos, uideor, uisa repente dolet.
Lingua ciens cantum silet & sua plectra recondit,
Turbatur misero multa minatur, abit.

Deseror infelix anulso corde, cadoq;
Acclinans oculos mortuus, illa redit.
Illico ut aspexit consumpti corporis ossa
Colligit, & nullo funere condit humi.
Impia nil mœrens haud plenum carmen ibidem
Inscripsit, dulci hic uoce peremptus amans.

AD LECTOREM:

Si tibi non placeo mihi lector parce placere
Non possum, insipiens sum modo, tristis amo.

DE AMORE.

IN tabula primus tenerum qui pinxit amorem
Ingenio, & docta non fuit ille manu.
Nom puer est qui pana potest superare, fretumq;
Qui domat, & terras, aëra, quiq; polos.
Non cæcum dicam, pungentibus utitur armis,
Et quicumq; ferit, num sine luce ferit?
Non findit latum pernicibus æthera pennis.
Sic nunquam a nostro corpore fixus abit.
Non mihi nudus erit, spoliat qui membra deorum,
Quiq; hominum, numquid ueste carebit inops?
Dum loquor id ridens inquit mihi Cælia, amorem
Pingere nis? nultus (aspice) pingere meos.

DE SE IPSO DIALOGVS.

Dic cur in uultu sic palles? sanguis ad ima
Corda fluit/quæ sunt pene cremata rogis.
Cur defles? magnos ut lapsa hos unda calores
Molliat, in casso corpore flamma fuit.
Cur gemis? ambesos ut amabile frigus in artus
Currat, & insanas temperet aura faces.
Cur quereris solus? solus comburor ab igne.
Qui non credit, amet nunc ego sicut amo.
Cur non in mutos cineres conuerteris? ingens
Ingens id doninæ non fuit esse gelu.

AD CAELIAM.

Ni lachrymæ fluerent in flammam totus abirem/
Et ni flamma foret, disfluerem lachrymis.
Sic seruator lachrymis, sic flamma seruator, adurat/
Aut lachrymet, uitam præbet utrunq; obeam.

DE CAELIA ET BOREA.

Vt boreas uisit glaciali frigore flores.
Ausæ est in boream Cælia probra loqui.
Audes nymphea deum petulante laceßere lingua?
Respondit boreas, non tibi notus ego?
Te rapiam leuibus sublimem in nubila pennis.
Et iungere meo præda coacta toro.
Substitit illa ferox ut saxum in montibus altis
Quod ruere ex ima rupe procella nequit.

Non potis ille frui quod amat, dat basia labris.
Nunc magis illa gelu labra notata placent:
Deniq; tanta fuit dulcedo, & tanta uoluptas
Arserit amisso ut frigore uentus amans.

AD CAELIAM.

Dum lætor uiuo, morior dum tristor, abibo
Lætus ego, postquam cura perire facit.

AD EANDEM.

Quum sumis citharam, & diffundis in æra cantum.
Saxa auidis pendent auribus, aura silet.
Quum soluis crines uento, Dictynna uidetur
In syluis quando cæde cruentat apros.
Quum rides, læti discerpunt nubila uenti.
Quum loqueris, fulgent sydera, uernat humus.
Quum motas oculos, quid non amor impius audet?
Audet, & irato præripit arma Ioui.
Quum graderis, te tota cohors miratur euntem.
Tota cohors passus laudat, amatq; tuos.
Sed quia maturæ non carpis poma iuuentæ,
Hæc in tam pulchro corpore sunt lachrymæ.

AD CAELIAM.

Cur immortalem te reris, pone tumentes

Fastus/mortalis sis pietate carens.

DE IOVE & IVNONE.

Iuppiter insani dum sæua cupidinis arma/
Et nequit accensas pertolerare faces.
Iane biceps, cæli custos, mihi limina pande.
Pande, nec hoc unquam sentiat uxor, ait.
Sensit ut hoc uxor, turbatur, & undiq; fluctus
Ore uomit, liquida sit magis atra pice.
Irruere in magnum magna cum uoce tonantem
Audet, & illius detrahit arma manu.
Clauigerum terret Ianum, lustratq; per omnes
Terras, an uideat quo iâr in igne calet.
Nunc huc, nunc illuc dum toruo lumine se fert,
Aspectu patuit Cælia pulchra suo.
Quam simul ut uidit, cæcas exarsit in iras,
Atq; inquit, senti, quid mea regna queunt.
Dum rotat, & piceo contorquet ab æthere fulmen.
Illud in hæc durus pectora flexit amor.

DE CAELIA ET AMORE.

Vidit ut æthereos oculos amor illius, inquit
Inquit amor, nulla hac pulchra puella magis.
Sensit ut immites animos amor illius, inquit
Inquit amor, nulla hac sæua puella magis.

DE SE IPSO.

Dum canerem, & citharam pulsarem pestine solus
Solut apud domina nocte silente fores.
Audivi (fateor) uocem, sic dixit, amator
Stultus es, in uentos irrita uerba fluunt.
Respondi, nil esse loquor quodcumq; sed ægrum
Sæpe iuuat pœnas promere uoce suas.
Hæc mihi non alijs refero, sint sydera, testes
Et si furda manent sydera, saxa precor.
Et uentos, nubescq; atras, & limina quæ me
Excludunt, sunt hæc uerba doloris, amo.

DE SE IPSO.

Fles, rides, gaudes, mœres, requiescis, oberras:
Non mirum, uita est talis amantis, amo.

AD AMICOS.

Exoriens postquam decorauit Cælia terram,
Vidit & erecto lumine testâ deum.
Cor dedit huic pallas, Venus ora, Diana pharetram,
Atq; arcum, doctam pulcher Apollo lyram.
Vrentes oculos Crato, linguamq; desertus
Mercurius, Iuno brachia, Mars animos.
Iuppiter incessum, flauos Aurora capillos,
Ornatum charites, spicula blandus amor.

Omnia de magnis dijs possidet, omnia amici
Vnde, unde huic tanta est, dicite, se uicia?

AD CAELIAM.

Post obitum non marmor erit, non atra sepulchrum
Terra mihi, in membris diua iacebo tuis.

AD CAELIAM.

Sim procul a risu, nec cernam cornua Lunæ,
Nec Phœbi auricomum luce nitente caput.
Me cæca exculcet fortuna, & nubila cælum
Condant, hanc ingens obruat unda ratem.
Prætendat cupidus fraudes, & tegmina liuor,
Deliteat tenebris fama, decusq; meum.
Exul ab his adigar terris, sim segniss, inersq;
Et uideam ante oculos finera nigra meos.
Nugata est quicquid mea musa, seratur in ignes,
Dummodo me spectes Cælia lætus ero.

DE CAELIA.

Forte meam tangens dextram, sic Cælia dixit.
Mentiris, nec amas, algida dextra tua est,
Verus amans inquam facibus comburitur intus,
En calet in tacto corde sepulta Venus.
Respice pallorem, sum pulvis, & umbra, recessit

Spiritus, inq; meis ossibus ætina fuit.
Tellurem uidi densa canere pruina,
Quæ tamen ex ima parte perusta fuit.
Assimilior silici quæ cæcos integit ignes,
Et riget, ob canas frigida facta nives.
Et fluere in cineres & in auras ustus abirem,
Sed tua me uinum bruma, geluq; tenet.

DE CAELIAE STATUA.

Qui gelida sub rupe fui lapis, ora uenusta
Nunc refero, & uultus diua puella tuos.
Sculptori debes, sed debes plurima nati,
Hic poluit, ille canit, quod canit, illud habes.
Ut nosti lapidem teret hora fugatior euro,
At bene quod canitur, non teret hora fugax.
Hic sum muta silex, at carmine uulgor, & ore
Verba loquor, toto cernor in orbe nitens.
Non adsit cantus, remanebit uita, calorq;
Vatis, ero uatis uina calore tui.

DE SE IPSO.

Ad fontem dum ploro, mihi fons inquit ut ardor
Sedetur, gelidi suscipe fontis aquas.
Flumina aborta meis sunt, inquam, fletibus, ignes
Non sedant, posito ut sulphure teda cremor.
Sic ego, sed subitis arsit fons ignibus, ignes

*C*nostro ingentes pectore iecit amor.

AD CAELIAM:

*S*æpe duces uolui & reges, & prælia uersu
Dicere, sed uires debilitauit amor.
*U*t te conspexi tanto fulgore nitentem/
Ite procul cædes, dixi ego, bella procul.
*C*antetur numeris, cantetur Cælia plectro,
Sed quum tentavi dicere, nullus eram.
*I*n fletus abiit mœstæ uox plena querelæ,
Et tantum pœnas promere cura fuit.

DE CAELIA.

*E*xiret dominæ dum pulchro pectore flamma,
Vreret & silices, & freta, Cypris ait.
*C*ælia si friget, cur nunc ita coniicit ignes,
Cuius & aspectu terra, polusq; calet?
*S*ic pharetratus amor matri respondit, amantis
Illinc cor flammæ non sua forma iacit.

DE CAELIAE STATUA.

*A*rtificis studiosa manus dedit omnia, sed non
Mollescis digitis dulcis imago meis.
*T*ango dura manes non dura hæc marmora, tamen
Mollesco, est durus Cælia dura lapis.

DE ZEPHYRO ET CAELIA.

Irroraret agros zephyrus quum flatibus, & uer
Duceret, & flores Cælia uisa fuit.

Hac uisa dimittit agros, dimittit honores

Veris, dimittit munera floris, amat.

Factus amans cœpit dulces effundere flatus,

Et flando optatum cœpit adire semur.

Protinus incluso sic intus flamine uenter

Intumuit facilis sed prope partus erat.

Credite, mira loquor, fulgenti lumine campos,

Ver risu, flores uocibus hæc peperit.

AD EANDEM.

Marmor erat pulchræ qui uiderat ora Medusæ,

Viderit at si quis te dea dic, quid erit?

Durum marmor erit, stabitq; in marmore duro

Spes, mæror, gemitus, pœna, dolor, lachrymæ.

ROSA.

Candida nuper eram, nunc sum rosa rubra, colorem

Hunc dat purpureis Cælia pulchra genis.

DE SVO FLETU.

Sernat aquas limosa palus, mitisq; redundat

Riuus aquis, & aquas ut patet, æ quor habet.
Fons diffundit aquas, & aquas dat flumen, aquasq;
Stagna tenent, & aquis enitet ipse lacus.
Lumina sed lachrymis faciunt hæc plena paludem,
Riuum, æ quor fontem, flumina, stagna, lacum.

AD GRILLVM.

Mortue Grylle iaces agrestis musa, lyræq;
Naturale decus, mortue Grylle iaces.
Quid faciam posthac? nostri solamen amoris,
Solamen somni mortue Grylle iaces.
Excutiens alas pedibus dic Grylle camænas/
Æ mulce optatis pectora fixa modis.
Hei mihi non audis. non dices amplius ignes
Grylle meos. tecum Terpsicorea iacet.
Ex lachrymis rorem tibi fundo Grylle/cremoq;
Hanc caneam, inq; tuos disfluit uestra rogos.
Grylle uale, hac parua flores nascantur in urna,
Terraq; sit cineri semper amœna tuo.

DE SVO VOTO.

Non sequor obliquo sæuos liuore Tyrannos/
Non cupio in uolucris stare superbus equo.
Non posco ut nitidis surgant mihi tecta columnis,
Pulcher & in medio sit mihi rure lacus.
Non populi laudes, non plausus quæro theatri,

Non aurum, aut comites, militiaeque decus.
Non sacros fontes, non arua obsepta salictis,
Quicquid & ignauum denique vulgus amat.
Dum ualeo, hoc cupio, teneris in amoribus esse,
Haerere & thalamis Diua puella tuis.

DE CAELIA.

Veris honor flos est, uer terrae, sydera caeli,
& caeli, & terrae, & Caelia ueris honor.

AD CAELIAM.

In cinerem fuero si post mea fata solutus,
Ille tua excussus curret in ora cinis.
Hic repetet caelum si spiritus, arduus illinc
& flammam mittet, mittet & arma necis.
Si non legitimae compleverim munera uitae.
Errabo ante tuas offesa larua domos.
Corporeos iterum si commutabor in artus.
Corpus habes, corpus mole grauabo tuum.
Aere si pendam poenas, leuis ibo, daboque
Verbera, si mergar flumine, flumen eris.
Ad nubes iero, mittam de nubibus imbres.
Ignibus aduoluar, te ferus igne petam.
Quicquid ero moriens tecum crudelia tecum
Bella geram, flagris flebis inulta meis.
Si nihil euadam, nihil hoc torquerere, crede,

Crede mihi uultus persequar usq; tuos.
Conabor stygijs exire paludibus, & si
Parca negat, runipet tartara lesus amor.
Nam tibi cum nequeam dum uiuo reddere pœnas
Exinctus tanti uulneris ultor ero.

DE VIATORE ET SE IPSO DIA-
LOGVS.

Quis iacet hic? Veneris iacet hic pulcherrima proles
Quam strauit forti Cœlia pulchra manu.
Si deus hic, quare falcato decidit ense
Mortis? & in uili sic tumultatur humo?
A cupido hæc illi uis est generosa Tonante
Ut ualeat terræ, & bella mouere polo.
Vnde hoc? illa dea est cunctis speciosior astris.
Hac mundus quid nunc (aspice) maius habet?
Non hic armatus? pharetra succinctus? & arcu?
Quid tum, succubuit, fortior illa fuit.
Aurea non mater flammæ? non uictrix hastam
Exhibuit? contra bellica Pallas erat.
Aegida formosis mammis, sentumq; lacerto
Aptarat, dextræ tela trifidula patris.
Non aberant musæ comites, non Phœbus, & Euan,
Hic puer, illa ingens, hic rudis, illa sagax.
Ergo quis extincto posthac succedet amori?
Huic pharetra? huic iaculū? huic flexilis arcus erit?
Imperium molle hoc, illa est castissima, & euro

Sæuior, heu cui non funera ferret atrox?
In turbam rutili globulos defleteret auri.
Ipsa sibi plumbi frigida dona daret.
En nunc absq; arcu & facibus domat omnia uictrix
Quid si pennatus regna teneret amor?

DE SE IPSO.

Si nitet auratis mea candida uirgo capillis
Et pulchro æquoreas uincit honore deas:
Effutire leues cur demens cogor amores?
Ferreq; ut iratus tam mala uerba puer?
Cur turbor toties? & inania murmura iacto?
Cur toties illuc irrequietus eo?
Heu heu quid feci, quo uertor? numina cælo
Aut nulla, aut certe non mala nostra uident.
Non potui esse silex? aut æquoris unda? uel alga?
Sine cinis? ferrem non ego tanta miseri.
Hoc peius, promo in sanas ex pectore uoces.
Nil profunt uoces, & tamen usq; loquor.
Heu quid agam melius? laenient hæc dicta procellæ,
Et siquid chartis illino flamma uoret.
Præterijt quæ danda fuit uirtutibus ætas.
Quicquid ago (uideo) uentus & unda rapit.
Ista loqui nollem, niger obteggit omnia puluis.
Obtegar, an uiuam? uinere pœna mihi.
Non est uiuenti ni tetri funeris umbra
Si quicquam ingrati uita laboris habet.

Vinite nos alij, quibus omnia ingiter affert
Lætus amor, gladium tu mea sume manus.
Ne trepida, rapidas quum spiritus ibit ad auras
Clamabit, mortis Cælia causa fuit.

INCERTVS AVCTOR.

Factus amor mitis transfixo clausit amanti
Lumina, collegit corporis ossa Charis.
Tradidit inferias pia Cypris, carmen in ipsa
Urna Crato scripsit tu lege quisquis amas.
Non hic corpus adest non hic cinis ater, at una
Flamma calens, cremat hæc flamma, uiator abi.

F I N I S.

THE HISTORY OF THE
LIFE OF JOHN DE Witt
BY JOHN DE Witt
AND
JAMES OGLETHORPE

ACT IV. SCENE I.

Enter John De Witt, James Oglethorpe, and
a Servant.
JOHN DE WITT. I have been thinking
of you much, my friend, and of the
great work you have done for the
country. I am glad to see you again.
JAMES OGLETHORPE. I am glad to see
you, my friend, and to hear of your
successes. I am sure you will do
much more for the country.

JOHN DE WITT. I have been thinking
of you much, my friend, and of the
great work you have done for the
country. I am glad to see you again.
JAMES OGLETHORPE. I am glad to see
you, my friend, and to hear of your
successes. I am sure you will do
much more for the country.
JOHN DE WITT. I have been thinking
of you much, my friend, and of the
great work you have done for the
country. I am glad to see you again.
JAMES OGLETHORPE. I am glad to see
you, my friend, and to hear of your
successes. I am sure you will do
much more for the country.

HIERONY. ANGERIANI NEA/
POLITANI ECLOGAE.

BIANORVS.

PAscite gramē oues dum dulcem uiso Neārā,
Pascite, solus ego, solus per denia rura,
p̄q̄ nemus pagro. Phæstophile chare sub um
Interea gaude, atq̄ uale. quum uenerit æstus. Cbra
Noxius, & medium feriet sol igneus axem,
Coge gregem ad fontes, ad glanci densa salicti
Pascua discedo. quo me furor impulit? & quo
Nunc propero? relinquuntur oues. Phæstophilus illas
Non ducet. uinit sibi. uinit, & ocia quærūt,
Nec socij rem curat iners. discedite tristes/
Tristes ex animo curæ. sed dulcis ab antro
Nunc meus exit amor. pereat pecus omne. Neāra
Cur non ex ista uocitas me rube? capilli
Impexi an sordent? & duris obsita duris
Membra pilis? naso an uideor deformis? & ora
Sima gero? placido me uidi in fonte, recordor
Nunc etiam. ipse mihi totus me indice, totus
Pulcher eram. dentes superabant marmor, eburq̄;
& candore niuem. pendebant ordine flauī
Ex humeroq̄ crines. decorabat barba figuram.
Utq̄; anus edocuit, mihi ter, ne tristis obesset
Vox formæ, & nocuo palleret lumine corpus
Inspuit os gremium. cur pector/ dicite causam

Vos rapidi fluctus, silices, uluæq; palustres.
Ecce fero in qualo tibi septem mala nuncumq;
Excusos fructus, sylvestria pruna, racemum
Labruscæ, & lentas mora interfixa genistas.
Serno gemelliperam niueo tibi uellere capram:
Quam si mulgebis bis una in luce refundet
Lac semper niueum, semper plena ubera tanges.
Accipe flexibili do ferta intexta corymbo,
Et uiridi lauro, atq; apio. uis funus acerbum?
Adsum. de silio in fluctus, si precipis, huius
Amnis, & ante tuos oculos nunc mergor in undis.
Quo fugis o demens? cur hæc mea dona relinquis?
Respice totus amo, totus male sanus aduror
Ut stipula in flammis, ut ceruus saucius ense
Quem siquitur per rura ferox uenator anbelo,
Et uagor in syluis. tu quernis lenta sub umbris
Dum torques filum tam pulchro pectore torques
Me miserum. O utinam fierem forinica, uel albus
Papilio, uel apes tenui iam uoce susurrans
Istuc confugerem. amplexus, atq; oscula ferres
Grata mihi. cur uana loquor? complectere collum
Nympha meum. Tu dura silex. effundo per auras
Verba leues, mutos per fluctus, perq; sonantes
Suspiro cames. rapitur labentibus undis
Quicquid ago. nullo pecus it custode per agros
Et mulgent alij mulgent. ego perditus erro
Nosco quid sit amor, nosco. satus ille sub antris
Hyrcanis fuit, & sitiens bibit ubera toruæ

Tygridis. immitti me uexat uulnere. non sum
Sicut eram. non sum. crucior. inuat ire sub orcum.
Non morior. me se uis amor sub cortice seruat
Hoc fragili, & longum cogit pferre laborem.
Nympha ueni. solare graues in amore dolores.
Te sine nulla quies, sine te mihi nulla uoluptas/
Nullus honor, nullumq; decus. tu sola salutis
Causa meæ. nymphis o pulchrior omnibus. omni
Albior o uiola, o rutilis fulgentior astris/
Clarius o uitreis undis, o mollior albis/
Puniceisq; rosis. O fuluo charior auro/
Charior & gemmis. huc ad sis porrige dextram
Si placet. o placeat. mecum requiesce parumper.
Non ullæ aspirant auræ. tenet æthera currus
Solis adhuc medium. molli sedeamus in herba
Hic ubi stant densæ quercus. ubi prata nitescent:
Et placidis ubi riuus aquis per gramina currit.
Non locus hic gratus? ueniam quocunq; iubebis.
Diu iube. ueniam. non audis talia, nanq;
Effugis, & nulla est tibi tanti cura furoris.
Sordet amor meus, & sordent mea munera, qualis
Sim nescis. ultro poscit, quæ respuis, Aegle.
Et capiet. nollem dare. nollem. cogor. amantem
Pellis iniqua tuum. quid feci? sydera cæli
Surda manent. nec nostra uident incommoda. nullus
Nullus in orbe deus. casu uoluntur iniquo
Cuncta. sub ignotis quam uellem rapibus esse
Muta silex. ferrem non talia. magnus ab imo

Corde fluit calor, & penetrabilis ossa perurit.
Nescio quid faciam. viridi proiectus in ulna
Hac sub fronde canam. me forsitan audiet, & me
Forsitan aspiciet. non duro pectora ferro
Cincta gerit. nec fronte minax, ut cerno, uidetur.

Armenta. atq; greges in lætis sedulus arvis
Pauit amor quondam felicia tempora quo nunc
Præteriere? deam spaciantem in uallibus Ida
Anchises flexit, flexit formosus Adonis/
Pastor uterq; fuit, pastor Priameius heros
Arsit in Oenone, pastor crinitus Apollo
Inter amadryadas sensit sub corde sagittas
Igniferas. quid Pana loquar? quid Prothea? quidue
Sylvanum? Magnes ictus, & Sparthacus ictus
Passus acidalios. Lunæ succensus amore
Cydymion gelidis errabat montibus ardens,
Hoc illi decus ingens gloria magna. Melampus
Dostus erat uates, & amans, & pastor, eratq;
Pastor Aristæus, Faunus syluestris, & Argus,
In caluere tamen flammis, & amore uagantes
Fas cuiquam tentare deas, tentare puellas
Tunc fuit humanas. o secula prisca, remissum
Cur non ad morem properantes ducitis horas?
Quisquis amat nunc fœda facit, quicūq; sorores
Fistulicem doctas exercet, & ore lepores
Suscitat Aonios, sacra polluit, utq; prophanus
Cūctur templis. scelus horrens talia nosse.
Corda dolor pressat, caput & mihi torpet, abibo

Hinc celer, aspicio latitantem in sepibus anguem.

DAPHNIS ET LIBETRIVS.

Pulcher erat Daphnis, pulcher Libetrinus, ambo
Prudentes, ambo dulces inflare cicitas,
Et dulces ambo uersus expromere in unum
Ambo locum duxere greges, amboq; sedentes
Fronde sub arborea, paribusq; caloribus ambo
Ardentes. primus sic coepit dicere Daphnis.

- D. Infelix qui perdit oues, qui navigat undas
Aequoris infelix, infelix debitor æris,
Qui cupit infelix, infelix quisquis oberrat,
Sed magis infelix sæuo qui paret amori.
- L. Non tot habet syluæ frondes, tot sydera cælum
Non tot fert uites Lesbos, tot Daunia fruges,
Non mare tot pisces alit, & tot terra uolucres,
Quot mihi iecit atrox flammæ & tela Cupido.
- D. Serpentes sæui, sæuus lupus, ursaq; sætu
Sæua suo, sitiens leo sæuus, uipera sæua
Et Tygris sæua, & sæuus cocrodylus, at istis
Omnibus illa magis misero crudelis amanui.
- L. Vos austri, & rupes, uos alti culmina montis,
Vos duræ quercus, uos frigida saxa, lacusq;
Vos pluuiæ, & nubes, uos atri fulminis ignes
Audite hos questus, surda est mea Chlora, fugitq;
- D. Difficile est humeris montem uectare, firentes
Difficile est palpare notos, & claudere latum

Difficile est urnis æquor. uolitare per auras
Difficile est. mea dāna magis mea dicere uersu.

L. In mare non fluuij current, non clara nitebunt
Sydera, non mitis summittet gramina tellus,
Non flabunt uenti, non cingent aera nubes,
Nō moriētur oues quā flamma hæc flāma quie/

D. Deficient turres, & celsa palacia regū, Cset
Deficient & templa deum/maris unda/leuisq;
Aer, & tellus, & pulchri machina cœli/
Sed non acer amor, non hæc mea cura, dolorq;.

L. Vomere suspenso lætus requiescit arator,
Et messor requiescit, oues tegit umbra, lacerti
In uiridi occultantur humo. sopor occupat artus
Chlora tuos. ego tristis agor per deuia rura.

D. Ille placet cantu, facie placet ille nitenti,
Ille ouibus felix, & cano uellere, & ille
Fiscellas texens, & qualos gratus, at ipse
Ipse meis lachrymis, & funere solor amores.

L. Flore leui pascuntur apes, & rore cicadæ/
Limosoq; lacu ranæ, tenerisq; locustæ
Frondeb; & pisces humore, & gramine ceruis/
Et me sæuus amor flammis, & uulnere pascit.

D. Nimbosam possum nubem siccare/cadentes
Et pluuias/rinosq; uagos, nigrasq; paludes/
Fontanos cursus, & magni fluminis undas.
Sed nō hæc crebros dū fundunt lumina fletus.

L. Malle[m] desertas sine fama, & nomine syluas
Incolere, & sterile[m] exercere ligonibus agrum

Ignota & fracto detrudi ad littora lembo
Naufragus amniti quam sic ardere favilla.

- D. Anguicomae credo furias, acherontaq; credo,
Credo premi fundiq; rotis Ixionae credo
Tanteleam sortem, & discerpi uulture credo
Cor Tyti, maius, maius mihi vulnus adhæret.
- L. Si quisquam insolitos quærit perferre labores,
Et uiuam rapidis animam diffundere uentis,
Et fictis ridere genis, & flere, patiq;
Mille necesse, duro sic se submittat amori.
- D. Nunc zephyrus spirat, nunc ridet prata, canitq;
Nunc pictæ uolucres, nunc gaudet frondibus ilex
Nunc pecus exultat, nunc plaudunt omnia, solus
Solutus ego tristes, tristes effundo querelas.
- L. Non me uentus atrox, non diræ gradinis ictus,
Non acies ferri, non fluminis unda, fretumq;
Non morbi, cœliq; faces, non rixa, furorq;
Chlora sed absument miserum crudelis amantem.
- D. Me rigida deflent omni frondosaq; tesqua/
Auxiliumq; ferunt uolucres, & saxa, uirentes
Se rami obliquant, & mota fronde queruntur.
Solum illa in syluis latet, & se condit in antro.
- L. Hi taceant catuli, & rabido lupus ore capellas
Deuoret, & totos exurat syrius agros/
Sorbeat unda solum, fiat chaos, omnia turbet,
Corruat & cœlum, postquam sine luce perierit.
- D. Rura silent, pecudesq; silent, silet aura, poliq;
Signa silent, uolucresq; silet, silet æquor, & antra

Tuta silent nubesq; silent, filet arbor, at ipse
Heu surdos scopulos, heu surdas alloquor undas.

L. Ecce canit bubo in syluis, canit ecce locusta
In prato philomela suos canit ecce dolores
In uiridi segete, in dumis & acanthis, & umbra
Nos telli arborea miseros deflemus amores.

D. Dicite nos mutæ filices, nos montis opaci
Vmbre, nos uirides herbe, nos littoris algæ,
Dicite nos syluæ, nos ualles dicite, rupes
Dicite nos uersus, non audior, ite capellæ.

F I N I S

DE OBITU, LYDAE:

P Loro meam Lydam, perijt mea Lyda decora,
 Et iacet in pheretro lyda decora, iacet.
 Et mecū Veneres, mecū lachrymātur amores,
 Et Charites mecum tristia fata gemunt.
 Non ego purpureo posthac uelabor amictu,
 Nec geram in articulis aurea vincla meis.
 Impexi stabunt crines, impexaq; barba.
 Surge miser, pullam tu tibi sūme togam.
 Percute te palmis, & questibus æthera comple,
 Omnibus & referas Lyda decora obiit.
 Grata reportabo non amplius oscula, circum
 Circum ipsas obeunt oscula nostra genas.
 Et mihi defunctæ sunt grata hæc oscula Lydæ,
 Oscula præbentem Lyda videre nequit.
 Osculor, & gelidis pendens amplexibus uror,
 Vror & in labris stans anima ægra perit.
 Responde. uocis non audis uerba loquentis.
 Responde. in tenebras hic meus ibit honor.
 Crudeles parcæ, crudelia fata, lepores
 Vna hora una omnes abstulit una meos.
 Nunc ubi diliciæ dulces? ubi dulcia dulci
 Verba sono? atq; ubi nunc nunc ubi dulcis amor?
 Non loqueris, dulces quæ clausa est lingua loquelas
 Detinet, & dulci risus ab ore fugit.
 Blandiciæ fluxere meæ uelut umbra, meusq;
 Nunc uacat, & raptio mœret amore torus.

Ornatus perire mei, non amplius opto
Delicias, procul hinc, hinc procul ite ioci.
Spargo arabum rorem, ros perditur omnis, & ipsam
Spargo rosam, tecum nunc rosa sparsa perit.
Serno torum, quondam iste torus te Lyda tenebat,
Es pulchra in pulchro mortua Lyda toro.
Iam dormis, requiesce parum, non excita surgis,
Surge parum, dextram porrige, Lyda iaces.
Lyda iaces, miser, & iaceo miser, accipe ferta,
Impono hæc capiti hæc ultima ferta tuo.
Dona fero ingrato cineri, cinis omnia sumat
In cineres postquam sic meus ibit amor.
Surge parum, mea Lyda parum, da basia tantum
Quantum animam possunt nunc penetrare mea.
Sic tuus in tenues labetur spiritus auras,
Dulceq; de dulci nectar amore bibam.
Dum viuiam, uiuus seruiabo hæc basia postquam
Me fugis, & Læthen non reditura petis.
Me fugis, & uacui properas ad littus auerni,
Ad dominos acres, ad sine luce domos.
Per fontes Nymphæ plorant, per prata Napeæ,
Per syluas Dryadum uox gemibunda sonat.
Et musæ querulos, querulos & Oreades addunt,
Addunt & querulos scrupæ saxa modos.
Et mærent silices, & mærent tesqua, polusq;
Se tegit obscura nube, solumq; gemit.
Hæc hæc alba manus, manus hæc hæc pulchra, de
Hæc facies, forma hæc forma iacebit humi? Cæsq;

Lingua taces, nunquam depromes lingua camœnas,
 Lingua taces, inopi cur mihi lingua taces?
 Non tibi pendebunt flavi de fronte capilli,
 Quos tango, & lachrymis nunc labefacto meis.
 Has poterit niveas tumulus cœlare papillas?
 Præstabant oculi sydera luce tui.
 Nunc sine luce oculi, nec me, nec sydera cernunt.
 Sydera sunt oculis sydera clausa meis.
 Vociferant montes, respondet vocibus Echo.
 Respondet perijt gratia, & orbis amor.
 Cur moror infelix, nec tecum curro per umbras?
 Nec tristes tecum ducor ad inferias?
 Heu viuo, & miseræ patior dispendia vitæ.
 Non possum ad manes te mea vita sequi.
 Anulus hic tecum, tecum hic tumuletur amictus,
 Hic adamas tecum, tecum eat omne decus.
 Postquam discedis, nec mecum gaudia restant,
 Sit sine fruge solum, sit sine luce polus.
 Sint diræ nubes, sit turbo, & grandinis horror,
 Sint terræ motus, sint trucidis arma necis.
 Discedis, quæ vita mihi, quæ vita manebit
 Te sine? curarum nostra medela iacet.
 Dû superi immanes, cur hanc genuistis, ut esset
 Sic desyderij cura, dolorq; mei?
 Seu non mortalis, seu non tam pulchra fuisset.
 Non pulchram hanc decuit non obijisse deam.
 Sed quia sub cœlo quicquid nitet, interi. Heu he
 Debebat Pylj viuere lustra senis.

Debebat, rapitur, rapitur florentibus annis.
Florentes annos obruit atra dies.
Felicis tumuli, felix Proserpina, felix
Tu Pluto, uestra hæc gaudia uestra manent.
Infelix ego semper ero, semperq; refundam
Hos gemitus, semper, semper & has lachrymas.

DE VERO POETA:

Ocia amat uates, & tecto gaudet, & umbra,
Ut Cynus tepidi tempora ueris amat.
Effugit a turba immiti, dulcesq; recessus
Poscit, & Aonios excitat ore sonos.
Plectra mouet, grati perquirat flabra fauoni,
In uiridi flores carpere gestit humo.
Fontanas non spernit aquas, scopulosa nec antra,
Nec fugit undisoni littora grata maris.
Cincta saporifero lætus pomaria riuo
Cernere, lanigeras cernere lætus oues.
Fortunæ imperium, & uanæ miracula plæbis,
Ridet, & insanas sub pede calcat opes.
Regna quoq; & reges naso suspendit, & illa
Quæ fulgent mersa in puluere dicit, erunt.
Non audit strepitus, sed figit in auribus omne
Quod dulce est, oculis pulchra, & honesta trahit.
Non ligat articulos, aut fuluo colla metallo,
Non timet, aut uana corpora ueste tegit.
Luxuriam uitat, uitat uaga murmura uulgi,

Et nescit quicquid lingua prophana refert.
Naturæ donis, & uero intentus amori
 Vivere scit, quæ sunt cælica dona, uidet.
Ex imis gaudet fibris, & teminit honorem
 Quem solet insulso tradere turba choro.
Formicis homines, & muscis comparat atris.
 Et nidos uoluerum regia tecta uocat.
Non tristes nebulas, non diri tela cometa
 Horret, & urentem spicea dona canem.
Impavidus stat semper, abit quocumq; galero
 Mercurij tectus non pauet arma Iouis.
Non sua supponit sceleratæ obnoxia culpæ
 Pectora, ut Alcides alter in orbe .uiget
In lapide ante domum sedet imperterritus apto
 Palladis, atq; ferox ægide monstra domat.
Scit Phœbum, & phœbi candentia signa sororis,
 Et quantum æqua suis uiribus astra ualent.
Scit cæli motus, & fati conscius alti.
 Non quærit sortis scire futura suæ.
Scit bene mutari uario sub tempore leges,
 Et fieri a prauis regibus usq; truces.
Scit morbi causas, sinuosi & corporis atros
 Secessus, medicæ deserit artis opus.
Corrigere est quodcumq; nephas, præmordet aceto,
 Miscet & urbanis scommata salsa iocis.
In fora conductus leges obseruat, & ipsis
 De superis quæ sunt religiosa refert.
Non dicendo furit, sed cedit sæpe furenti,

Qui sapit hic cedit, qui furit, ille rudis.
Sors quæcunq; dedit fert æquo pectore, uerus
Protheus in cunctis rebus adesse solet.
In præsens hilaris non differt gaudia, mente
Ille hilaris pulsa nube serena colit.
Iure igitur sacra sit dignus uoce poeta,
Ut deus humano in corpore numen habet.
Nanq; uidens hominum mortalia cuncta perire
Se trahit a tenebris carmine, & usq; nitet.
Qualiacunq; uides gemino producta sub axe
Conteret hora, procul de styge carmen erit.

DE PARTHENOPE.

Diceris extructa a dulci Sirene, Phaleri
Diceris & felix imperitantis honor.
Diceris & Veneris gratissimus hortus, & acris
Alcidis campus diceris esse nouus:
Diceris & flauæ Cereris mitissima tellus,
Diceris intonsi uinea pulchra dei.
Non mirum, ipsa urbes superas dulcedine cunctas
Imperio, forma, robore, fruge, mero.

DE EADEM.

Fons, mare, sylua, lacus, mons, horti, balnea, campi,
Flumina sunt uno hæc nomine Parthenope.

FINIS.



PAR THENOPAE. M.D.XX. MEN,
SE FEB. GENIO HILARITA/
TIS DEO ET MVSIS FA/
VENTIB.

THE NEW YORK PUBLIC LIBRARY
ASTOR LENOX TILDEN FOUNDATION
455 FIFTH AVENUE
NEW YORK

i-



BIBLIOTECA

